

Ի Հայրապետութեան
Տ. Տ. Գարեգնի Երկրորդի
Ծայրագոյն Պատրիարքի
եւ
Կաթողիկոսի Ամենայն Հայոց

/

Նվիրվում է Հայոց գրերի գյուտի
1600-րդ տարեդարձին

Գրաբարից աշխարհաբարի փոխադրեց
Մայր Աթոռ Սուրբ Էջմիածնի Միաբան,
Բերդ քաղաքի եւ տարածաշրջանի
հոգեւոր հովիվ Տ. Սահակ արեղա
Շաքարյանը

/

Երեւան, 2005 թ.

Յայոց գրերի գյուտի 1600-ամյակի առիթով ընթերցասեր հավատացյալներին ենք ներկայացնում երանաշնորհ եւ վշտակոծ հայրապետ Սիմեոն Ա Երեւանցու (կթղ. 1763-1780 թթ.) Աղոթագրքի աշխարհաբար թարգմանությունը:

Այն կազմված է դասական մեր աղոթագրքերին բնորոշ կանոնական ձեւով: Դրանք մեծակական ողբով հառաչանքներ են ի խորոց սրտի՝ ուղղված Սուրբ Երրորդությանը, Սուրբ Մարիամ Աստվածածնին, Փրկչական Սուրբ Խաչին, Յայոց Եկեղեցուն եւ ազգին, Սուրբ Գիրգոր Լուսավորչին եւ Յայաստանյայց Եկեղեցու բոլոր սրբերին: Ավելի քան երկու դարերի հեռավորությունից հնչող այս աղոթքները գրաբարյան իրենց վսեմությամբ եւ նույնքան պարզությամբ այսօր եւս արտահայտում են հայ մարդու հոգեկան ներքին ապրումներն ու ազգային մտահոգությունները: Աղոթագիրքը լավագույնս բնորոշել է հենց ինքը՝ Սիմեոն Երեւանցին, եզրափակող վերջին աղոթք-հիշատակարանում հոգին անվանելով անգին, իսկ աղոթքները՝ հոգու կեցուցիչ:

Հայոց աշխարհի եւ Մայր Աթոռ Սուրբ Էջմիածնի համար երերուն եւ անհաստատ ժամանակներուն գրված այս աղոթքները մեզ մղուն եւ թելադրուն են երբեք չիուսահատվել աղոթական կյանքուն եւ շարունակ դիմել առ Աստված՝ հուսո փարոս ունենալով Հայաստանյայց Առաքելական Սուրբ Եկեղեցին, Մայր Աթոռ Սուրբ Էջմիածինը՝ Միածնաէջ համազգային սրբավայրը մեր:

Թող այս հնաբույր աղոթքները մաքրեն մեր կյանքը, հարստացնեն մեր հոգիները՝ մեզ սնելով անցյալի սրբազան հայրերի ավանդած հոգեւոր անսպառ ժառանգութեամբ՝ ի մխիթարութիւն ազգիս հայոց եւ ի պարծանս Հայաստանյայց Սուրբ Եկեղեցու:

ԱՂՈԹԱԳԻՐՔ

որ կոչվում է հոգեւոր զբոսարան:

Գրված՝ Ամենայն Հայոց
Սիմեոն Վշտակիւր Կաթողիկոսի
կողմից լուսավորչակրոն անձանց
համար՝ ի փառս Աստծո
եւ տպագրված նույն սրբազան
Հայրապետի հրամանով Սուրբ
Գրիգոր Լուսավորչի անվան
նորակառույց տպարանում:

Փրկչի ՌՉՀԲ (=1772) եւ մեր՝
ՌՄԻԱ (= 1221) թվականին:

Այս փոքրիկ գրքուկի ա-
ռաջաբանը, որտեղ փոքր-
ինչ խոսվում է աղոթքի
որպիսության մասին

Այստեղ ցանկանում եմ Հա-
մառոտ խոսել աղոթքի որ-
պիսության եւ անհրաժեշտության
մասին: Համառոտ, որովհետեւ նախ
գրքուկի չափն է այդպես պահան-
ջում: Երկրորդ՝ որովհետեւ թե՛ ան-
ցյալի եւ թե՛ գալիք բոլոր աստվա-
ծաբանները, եթե ի մի գալով կամե-
նան խոսել աղոթքի մասին, չեն կա-
րող նրա զորության մասին ամբող-
ջապես խոսել, քանի որ, ինչպես
Հայտնի է, թե՛ Հին եւ թե՛ Նոր Աստ-
վածաշունչ բոլոր գրքերում եղած
հրաշքներն ու մեծագործություն-

ները աղոթքի միջոցով են եղել: Ուստի, ըստ այս փոքրիկ գրքույկի պահանջի, մեր նպատակի մասին Համառոտ կասենք եւ կվերջացնենք: Արդ, երբ մարդն Աստծո պատվիրաններին չհնազանդվեց եւ ամենաբարելի դրախտից զրկվեց ու ողբի արժանի այս աշխարհն ընկավ, Հոգու եւ մարմնի երեք գլխավոր պակասությունների, այսինքն՝ նեղություն, աղքատություն եւ հիվանդություն հանդիպեց, իսկ Քրիստոս՝ մեր Տերը, ով ամենակարող Փրկիչ է, ամենաՀարուստ Թագավոր եւ ամենիմաստ Բժիշկ, այս երեք պակասությունների Համար դեղ հսարեց, որովհետեւ սատանայի կողմից նեղվածներին եւ գերվածներին Իր պատվական արյամբ ազատեց, ինչը Հայտնապես դիվաՀարներին ցույց տվեց: Աղքատներին բարություն մեծ լցրեց՝ ասելով. «Ով գա Ինձ մոտ, չի

քաղցի», որն էլ Հայտնապես Հինգ Հազարին ցույց տվեց, եւ Հիվանդներին պես-պես Հրաշքներով բժշկեց, ինչը Հայտնապես ցավագարներին ցույց տվեց: Ավետարանի Համաձայն՝ «Բազում զորութիւնն էր ելնում Նրանից եւ բժշկում բոլորին», քանի որ մարմնով Հիվանդներին խոսքով էր բժշկում, իսկ Հոգով Հիվանդներին՝ Հոգեւոր դեղերով, այսինքն՝ պահքով, ողորմութեամբ, խոնարհութեամբ, Հալածանքներով, խաչով եւ այլ առաքինի գործերով, ինչպէս ասում էր՝ նեղ եւ անձուկ է ճանապարհը, որ բժշկում է մեղավորին եւ տանում դէպի կյանք: Բայց մինչ այս կսկծեցուցիչ դեղորայքները գործածում էր, մարմնասեր եւ անարի մարդիկ տրտնջում էին Նրա դեմ՝ ասելով, թե՛ դառն են Քո այդ դեղերը. եթէ այդպէս լինի, ո՞վ կարող է փրկվել: Դրա Համար էլ բոլո-

որին ամեն ինչում պիտանի, ամեն ցավի ամոքիչ դյուրին մի դեղ, այսինքն՝ աղոթք անել սովորեցրեց, ասելով, թե՛ «Ինչ էլ որ կամենաք, խնդրեցե՛ք եւ կատանաք», ինչպես նաեւ՝ «Աղոթեցե՛ք փորձության մեջ չընկնելու համար»:

Ահա քեզ հեշտագյուտ, դյուրին, ամեն ինչում պիտանի եւ միշտ առձեռն պատրաստ մի դեղ, որին ոչ մի արգելք չկա եւ որը որեւէ դժվարություն չունի: Քանզի, եթե պահքի համար կարող ես պատճառաբանել, թե տկար եմ եւ այլն, ողորմության համար ասել, թե աղքատ եմ՝ ի՞նչ տամ, ճգնության, հալածանքների, չարչարանքների, հավատի եւ այսպիսի ավելի դժվար, առաքինի գործերի համար պատճառաբանել, թե խիստ են, չեմ կարող դիմանալ, աղոթքի համար բնավ

որեւէ պատճառ չունես բերելու, որովհետեւ որեւէ մեկը՝ թէ՛ ծեր, թէ՛ երիտասարդ, թէ՛ Հարուստ, թէ՛ աղքատ, թէ՛ առողջ, թէ՛ Հիվանդ, ինչ Հասակում, ինչպիսի կացութեան մեջ, ինչ ժամանակ եւ ինչպիսի տեղում էլ լինի, եթէ կամենա, կարող է աղոթել: Ուրեմն, տէ՛ս, թէ որքան նախատելի է աղոթքի մեջ ծուլացողը, որ ամեն ինչի կարոտ եւ երեւելի ու աներեւոյթ փորձութիւններով շրջապատված լինելով չի դիմում այնպիսի Տվողին, Որն Ինքն է Հորդորում, թէ՛ «Խնդրեցէք եւ կտրվի», եւ թէ՛ «Եկէք Ինձ մոտ բոլոր Հոգնածներդ եւ նեղյալներդ, եւ Ես կհանգստացնեմ ձեզ»: Ո՛վ եղբայր, լսի՛ր, ուրեմն, այդպիսի առատապարգեւ Կանչողին, մոտեցի՛ր Նրան եւ ինդրի՛ր ինչ էլ որ կամենաս: Եթէ Հիվանդ ես, աղոթքի կանգնի՛ր, որովհետեւ Եզեկիան ա-

ղոթքով ազատվեց Հիվանդությունից, ավելացրեց իր կյանքի օրերը եւ ազատվեց Ռափսակից: Եթե նեղութեան մեջ ես, աղոթի՛ր, որովհետեւ երեք մանուկներն աղոթքով փրկվեցին կրակից: Եթե մեղավոր ես, աղոթքի կանգնի՛ր, որովհետեւ նինավեացիները, Մանասէն եւ շատ ուրիշներ աղոթքով արդարացան եւ Աստծո բարկութիւնը քաղցրութեան փոխեցին: Եվ եթե որեւէ կարիք ունես, աղոթքով խնդրի՛ր, որովհետեւ Ինքը Պարգեւողն է ասում. «Խնդրեցէ՛ք, եւ կտրվի, որովհետեւ ով խնդրում է ստանում է»: Ըստ սուրբ վարդապետների, ինչպես որ երկիրը կարիք ունի երկնքի, որպեսզի նրանից ցող, անձրեւ, ջերմութիւն, լույս եւ այլ ներգործութիւններ ընդունի, որովհետեւ առանց սրանց չի կարող գոյատեւել, այնպես էլ մարդն աստվածային զանազան շնորհների եւ

օգնութիւնների կարիքն ունի ու առանց նրանց կարծես մեռած է Հոգով, թեպէտ եւ կենդանի լինի մարմնով: Ուրեմն, ինչպէս աղքատները դիմում են մեծատուններին, Հիվանդները՝ բժիշկներին, անկարողները՝ կարողներին, ծարավիները՝ աղբյուրին, այնպէս էլ մարդը, լինելով ամէն ինչի կարոտ եւ Հոգով ու մարմնով տկար, պարտավոր է միշտ Սատծուն փնտրել եւ Նրանից օգնութիւն հայցել:

Ուրեմն, իմացէ՛ք, որ աղոթքի տեսակները երկուսն են, այսինքն՝ ընդհանրական եւ առանձնական: Ընդհանրական աղոթքը վճարումն է մեր ընդհանուր պարտքերի, որ մենք բոլորս միասին պարտք ենք Սատծուն, քանի որ Նա մեզ ոչնչից ստեղծեց, մեզ բանական արարեց, սատանայի գերութիւնից

վերստին փրկեց եւ Հարուժյուն տվեց մեղքերի մեռելուժյունից, Հանապազ պահպանում է մեզ եւ բավարարում մեր Հոգու եւ մարմնի կարիքները: Այս ամենը մեզ վրա որպէս պարտքեր են, եւ կարծես այս պարտքերը վճարում ենք այն ընդհանրական աղոթքներով, երբ ամենքս Հաստատված ժամին գնում ենք եկեղեցի եւ միաբանությամբ աղոթում: Իսկ առանձնական աղոթքն այն է, որ ընդհանրական աղոթքից բացի, երբ եւ ուր էլ մենք Հավաքված լինենք, Աստծուն դիմենք: Ուրեմն, իմացի՛ր, որ ընդհանրական աղոթքով թեեւ վճարում ենք մեր պարտքերը, ինչպէս որ ասացինք, սակայն սա մեզ Համար այնքան էլ մեծ շնորհ եւ Հավատարմություն չէ, որովհետեւ միայն մեր պարտքերն ենք վճարում, ինչպէս մեկը, որ Հինգ դաճեկան պարտք

վերցնի մեկից եւ Հետո վճարի նրան
այն նույն Հինգ դաճեկանը: Արդ, նա
տվողին ի՛նչ շնորհ արեց, որովհետեւ
ինչ վերցրել էր, այն վճարեց: Արդ,
պարտապանի Համար մեծ շնորհն ու
Հավատարմությունն այն է, որ
պարտքը վճարելիս մի բան ա-
վելացնելով՝ ընծայի պարտատիրո-
ջը: Այդ դեպքում նաեւ պարտատե-
րը շոյված կզգա եւ կրկին ինդրելիս
ավելին կտա նրան: Այսպես էլ մենք,
եթե ընդհանրական ազոթքներով
մեր պարտքերը վճարելիս առանձին
եւս դիմենք Աստծուն եւ Նրան մի
Հատուկ ազոթք ավել մատուցենք (ո-
րը եւ առանձնական ազոթքն է), այդ դեպ-
քում կկոչվենք Հավատարիմներ եւ
կկարողանանք քանքարաշաճ ծա-
ռայի նման ասել. «Տէ՛ր, Հինգ քան-
քար տվեցիր ինձ. ա՛հա Հինգ քան-
քար եւս դրա վրա շաճեցի»: Այդ
դեպքում Աստված էլ մեր Հանդեպ

բարեհաճ գտնվելով կասի. «Հավատարի՛մ ծառա, որովհետեւ այդ փոքրի մեջ Հավատարիմ եղար, շատի վրա քեզ կկարգեմ: Մտի՛ր քո Տիրոջ ուրախության մեջ»: Եվ թե՛ «Ով ունի՛ նրան կտրվի եւ կավելացվի»: Այսինքն՝ քո անցավոր կյանքից հետո քեզ նաեւ Հավիտենական կյանքը կտրվի: Արդ, ինչպես ասացինք, երկու տեսակ աղոթողների վարձատրությունն այս է:

Իսկ նրանց մասին ի՛նչ ասենք, ովքեր ո՛չ ընդհանուրի հետ են աղոթում եւ ո՛չ էլ՝ առանձին: Նրանց մասին չէ՛, արդյոք, Աստված գանգատվում Դավթի միջոցով, թե՛ «Ով ուտում էր իմ հացը, ինձ խաբեց»: Հիրավի, մի քրիստոնյա, որ Աստծո տունն չի գնում, Աստծո անունը չի հիշում, Նրան չի դիմում եւ բերանով ասում է, թե՛ ես

քրիստոնյա եմ եւ Քրիստոս
Սատժուն եմ պաշտում, նա Սատժուն
խաբում է, որովհետեւ Սատժո բա-
րիքներն է վայելում, սակայն իր
մարմնին ու սատանային է հետեւում
եւ նրանց պաշտում: Անբան անա-
սունը ճանաչում է իրեն կերակրող
տիրոջը, միշտ շրջում նրա տանը եւ
չի հեռանում նրանից, իսկ աղոթքի
մեջ ծուլացողը, բանական մարդ լի-
նելով հանդերձ, ո՛չ իր բարերար
Սատժուն է ճանաչում, ո՛չ Նրա ա-
նունն է հիշում եւ ո՛չ էլ նայում Նրա
տանը, որ եկեղեցին է: Որպես նա-
խատիւք այնպիսիներին՝ Սատված
Եսայու միջոցով ասում է. «Ճանա-
չեց եզր իր տիրոջը, եւ էշը՝ իր տիրոջ
մսուրը, իսկ Իսրայելն ինձ չճանա-
չեց, եւ իմ ժողովուրդն ինձ չմտաբե-
րեց»: Ասպիսի աղոթազուրկ ան-
ձինք թող մտածեն, ուրեմն, թե Դա-
տաստանի ժամանակ Քրիստոսի

առջեւ ինչպէս էն կանգնելու, ինչ պատասխաններ էն տալու եւ կամ որ դժոխքն է նրանց կլանելու: Աստարակոյս, նրանց պատաճելու է այն, ինչ պատաճեց Հիմար կոյսերին, ուվքեր մինչ բախում էին դուռն ասելով. «Տէ՛ր, Տէ՛ր, բա՛ց մեզ», լսում էին Քրիստոսի պատասխանը, թէ՛ «Չեմճանաչում ձեզ, Հեռու մնացէ՛ք ինձսից», եւ թէ՛ «Ասիծյալնէ՛ր, Հեռացէ՛ք ինձսից դեպի Հավիտենական Հուրը, քանի որ մինչ ես ողորմությամբ կանչում էի ձեզ՝ ասելով, թէ եկէ՛ք դեպի ինձ, ինդրեցէ՛ք եւ կստանաք, բախեցէ՛ք եւ կբացվի ձեզ, դուք բնավ չէիք լսում եւ չէիք գալիս ինձ մոտ եւ չէիք ճանաչում ինձ: Այժմ էլ ես եմ ասում, թէ չեմ ճանաչում ձեզ»: Նման բաներից թող փրկի մեզ նույն Ինքը՝ մեր Քրիստոս Աստված: Արդ, սիրելիսէ՛րս, թեպէտ անհարմար էր, որ

մենք այսքան երկարաբանեցինք, սակայն պատասխանատուվոյժուներ, որ մեզ վրա է, ստիպեց գրել այնպիսիների Համար, որ մեր ազգի մեջ կան, ովքեր ավելի անմտանալով քան կենդանիները՝ եկեղեցու դուռը եւ աղոթքի ժամը չեն իմանում, խաչակնքվել չգիտեն, Աստծո անունը չեն հիշում եւ չեն աղոթում, անգամ չգիտեն, թե ինչի են կոչված եւ իրենց վախճանը որտե՞ղ է ավարտվելու: Ովքեր ոչ միայն իրենց Համար են կորուստ պատրաստում, այլեւ իրենց զավակների ու ընտանիքի, որովհետեւ ինչ որ Հայրն է անում, նմանապես որդին էլ նրա նման է կատարում: Այս պատճառով այսքան երկարաբանեցինք, որ այնպիսիներն զգուշանան, իսկ ես էլ՝ ազատվեմ խղճմտանքից եւ պարտքից:

Եվարդ, ձեզ եմ ասում, իմ սիրելիներ, քանի որ աղոթքը մարդուն այսքան անհրաժեշտ է, պիտանի է օգտակար ամեն ինչում, մանավանդ՝ ներկա ժամանակում, ինչպես Հայտնի է բոլորին, ուստի ես՝ մեղավորս ու կարոտս ձեր աղոթքներին, եւ ձեր՝ իմ օրհնյալ ազգի անարժան տեսուչս, Սուրբ Գրքերից ժողովեցի աղոթքի այս համառոտ խոսքերը, դրեցի այս փոքրիկ գրքում եւ, որպես նորաբողբոջ եւ անուշահոտ մի ծաղիկ կամ դեռահաս եւ նախախայծ մի պտուղ՝ ձեր հոգեւոր եւ աստվածատունկ այգուց առաջացած, եւ կամ որպես մի նոր օրհնություն՝ Էջմիածնի այս Սուրբ Աթոռից, ընծայեցի քեզ, իմ հարազատ ազգ, որը դուք հատուկ սիրով

եւ ուրախութեամբ պարտավոր էք ընդունել երեք պատճառով: Նախ, որովհետեւ սա անդրանիկ է եւ ամլածին, եւ Քրիստոսով Հաջողված նոր տպագրութեամբ՝ որպէս ձեր Հոգեւոր ծնողների ավետյաց եւ սքանչելիքներով լի զավակ, քանի որ մեր Լուսավորչից մինչեւ այսօր ձեզ Համար, ձեր Հոգեւոր ծնողը այսպիսի զավակ չէր ծնել: Ինչպէս որ Աբրահամը, թեպէտ այլ կանանցից բազում զավակներ ուներ, սակայն, միայն Իսահակը սիրվեց ու մեծարվեց՝ տեւական ամլութիւնից Հետո Աբրահամից եւ Սառայից ծնված լինելու պատճառով: Երկրորդ՝ որովհետեւ լի է ամեն ինչում անհրաժեշտ եւ օգտակար դիտողութիւններով, մանավանդ այս ժամանակին պատշաճ, որովհետեւ պատերազմի ժա-

մանակ կապարն ավելի Հարգի է,
քան ոսկին: Երրորդ՝ որովհետեւ
փոքրածավալ է եւ հեշտակիր, մա-
նավանդ՝ պարզ ու դյուրատոճ, որ ա-
մենուր եւ ամեն ժամ կարելի է ձեռ-
քին ունենալ ու ճաշակողների քաղ-
ցը հագեցնել բազմատեսակ համով,
ինչպես մանանան՝ Հին Ժողովրդի
համար: Նաեւ սա կարող է իսպառ
վերացնել ծուլերի եւ անհարկի
տրտնջացողների պատճառաբա-
նությունները, ովքեր սովորութիւն
ունեն ասելու, թէ երկար է, դժվար է
եւ այլն: Ուրեմն, սիրով եւ բաղձալի
հոժարութեամբ ընդունէ՛ք սա, եւ
գոնէ օրը մէկ անգամ հոգեւոր զբո-
սանքի ելէ՛ք սրա մեջ: Եվ մեր
Քրիստոս Աստված մեզ ամենքիս
թող զգաստութիւն տա, լի մեր
աղոթքները եւ կատարի սիրով ըն-

կալողներիդ խնդրանքները, ու ինձ
աշխատողիս եւս, ձեր աղոթքներից
բաժին հանի:
Ո՛րջ լերուք ի Տեր:

Թող թիս դատարկ տեղը
լրացնելու համար նաեւ
այս բանաստեղծութիւնը
դրեցինք

Թող սա ձեզ գիտելի լինի, իմ
հարազատ ազգ:

Որպեսզի չլինի թէ ոմանց
սրտում որեւէ կարծիք ծնվի,

Թէ սա, որ ես առաջ բերեցի,
սուրբ հայրերի պակասը լրացրեցի,

Իբրեւ թէ նրանք չեն գրել, ա-
ղոթքի այս գիրքը ես գրեցի:

Կամ էլ թեպէտ գրել են, սակայն
այնքան հաջող չեն ու պիտանի:

Այսպէս կարծողները մեղանշում
են, ովքեր մեզ անտեղի բամբասում են:

Քանզի շատ են, բավական ու
պատվական՝ գրքերն աղոթքի՝

Մեր երջանիկ հայրերից ընծա-

յաբերված մեր Հայ ազգին:

Սակայն, նրանք Հաց են մեծերին,
սա՛ իբրեւ կաթ, փոքրերին:

Այլեւ ոսկեղէնի փայլն ավելանում
է պղնձեղէնի ցուցադրմամբ:

Եվ մանավանդ, որ մեծագին
են, Հասարակ մարդկանց անՀա-
սանելի են:





Երրորդությունն եւ մի Աստված,
Հեշտալուր Տեր եւ Ողորմած,
Լսի՛ր հառաչանքները ծառայիդ,
Որ ողբալով Քեզ է դիմում:

Աղոթք՝ ուղղված Սուրբ
Երրորդությանը, որպեսզի
մեղքերի համար չբարկա-
նա աղոթողի վրա, այլ նե-
րելով՝ աղոթելիս համար-
ձակություն տա

Սկսելուց առաջ երեք ան-
գամ խաչակնքի՛ր դեմքդ

Օրհնյալ ես, Հայր Սուրբ,
Աստված ճմարիտ:

Օրհնյալ ես, Արդի՛ դ Սուրբ,
Աստված ճմարիտ:

Օրհնյալ ես, Հոգի՛ դ Սուրբ,
Աստված ճմարիտ:

Օրհնյալ ես, Ամենասո՛ւրբ
Երրորդություն եւ մի Աստվածու-

Թյուն, Արարիչ եւ Նախախնամող
 բոլոր երեւելի եւ աներեւոյթ արա-
 րածների, Քաւիչ եւ Ներող բոլոր
 մեղավորների, Փրկիչ եւ Կեցուցիչ
 Քեզ դիմող բոլոր նեղվածների եւ
 վտանգվածների: Որին եւ ես՝ Քո
 ամենաթշվառ ծառան, Հավատում,
 խոստովանում եւ երկրպագում եմ:
 Ումից Հոյս ունեմ իմ մեղքերին թո-
 դուցիցն ստանալ եւ Հոգուս ու
 մարմնիս՝ փրկուցիցն: Եվ արդ, Ա-
 մենասուրբ Երրորդութեանդ եւ մի
 Աստվածութեանդ առջեւ
 խոնարհված, մեծ Հառաչանքով ա-
 ղաչում եմ Քեզ, իմ անոխակա՛լ
 Տեր, Համարձակուցիցն տո՛ւր ինձ՝
 Քեզ՝ կյանքի աղբյուրիդ մոտենալու
 եւ Քեզանից ողորմութիւն գտնելու:
 Բազում մեղքերիս Համար ինձ վրա
 մի՛ բարկացիր եւ մի՛ Հիշիր Քո
 Հանդեպ կատարած իմ անթիվ չա-
 րիքները: Դատաստանի մեջ մի՛

մտիր ամենամեղավոր ծառայիս
Հետ, որ ինքս իմանալով ամեն ին-
չում իմ Հանցավոր լինելը եւ գիտե-
նալով Քո անհիշաչարությունը, ա-
Հա Քեզ եմ դիմում, Ո՛վ իմ
Աստված: Ուրեմն, ողորմութեամբ
նայի՛ր Քո ծառային եւ քաղցրու-
թեամբ ասա՛ . Ի՛նչ կկամենաս, որ ա-
նեմ քեզ Համար: Արդարութեամբ
դատելով, սակայն, իմ անօրենու-
թյունները մեկ առ մեկ, եթե կամե-
նաս քննել, ես ինչպե՛ս կարող եմ
Քո առջեւ կանգնել, կամ էլ ինչպե՛ս
կարող եմ արդարացնել ինձ, որով-
Հետեւ, Ո՛վ ինձ Ստեղծող, գիտես իմ
ամենասխալ բնությունը եւ անգամ
վկայեցիր ամենաճշմարիտ բերա-
նովդ, թե «Չար է մարդու արարքը,
եւ ընդաբոյս է չարությունը», եւ թե
«Մարդու միտքը չարի ինամբին է
տրված»: Ես գիտեմ՝ նաեւ ու վկա եմ
Քո ճշմարտութեանը, Քո ծառա

Դավթի խոսքերի Համաձայն՝ «Անօրինությունք Հղացա, եւ մեղքերի մեջ ծնեց ինձ իմ մայրը»: Ուրեմն, ի սկզբանե անօրինությունք Հղացվածը եւ մեղքի մեջ ծնվածն ինչպե՞ս կարող է Քո առջեւ արդարանալ եւ ինչպե՞ս կարող է ապրել, եթե Դու Քո ողորմությունք չօգնես, ինչպես եւ Դավիթն է ասում. «Եթե Տերն ինձ չօգներ, ապա իմ անձը դժոխքում պիտի բնակվեր: Եվ երբ սխալվում եւ ուզում էի սայթաքել, Նրա ողորմությունն էր ինձ օգնում»: Ահա Քո այս ողորմությունն է, որ մեղավորներին Քեզ մոտենալու Հույս եւ Համարձակություն է տալիս: Այս ողորմածությունն է, որ բացում է մեղքով Համրացածների լեզուները՝ Քեզ դիմելու եւ Քեզանից փրկության միջոց գտնելու: Այս ողորմությունն է, որ Քո բարկությունը քաղցրություն է դարձնում: Ուրեմն,

իմ արդար եւ ողորմած Տէր, եւ ես՝
Քո անօրէն ծառան, Քո այս ողոր-
մութեանն ապավինած՝ Քեզ եմ
մոտենում եւ այս ողորմութեամբ,
իբրեւ վաճան, ամրափակում ինձ
արդարութեանդ ահից եւ իբրեւ
փախստական, ընկնում ողորմած
Աստուծոյ աթոռի առաջ եւ ինդ-
րում, որպէսզի Քո արդարութեամբ
ինձ չմատնես, այլ ողորմութեամբդ
Հանձն առնես պատսպարել ինձ, ոչ
թէ Քո արդարութեամբ ինձսից ե-
րեսդ դարձնես, այլ դրանք չտեսնե-
լու Համար Քո ողորմութեամբ իմ
մեղքերի՛ց երեսդ դարձնես եւ Հոր-
դորական ու գթալիր խոսքերով ա-
սես. ի՛նչ կկամենաս, որ անեմ քեզ
Համար: Ես էլ, գլուխս խոնարհելով,
կասեմ, լի՛ր իմ՝ Քո ծառայի ա-
ղաչանքները եւ քաղցրութեամբ կա-
տարի՛ր ինդրանքներս, որոնք ահա
Քեզ եմ մատուցում, որպէսզի եւ ես՝

ողորմելիս, ողորմած իմ Աստծուց ողորմութիւնն ստանալով՝ փառավորեմ Հորը, Որդուն եւ Սուրբ Հոգուն այժմ եւ միշտ եւ Հավիտյանս Հավիտենից: Ամէն:

Խոսքն է Հոգին կենդանացնում,
Ինչպես Աստվածային սուրբ գիրն է
ասում:

Սա ոչ թե զուտ այն խոսքն է, ո-
րով աշխարհն է լցված,

Այլ Աստծո խոսքն է, որ Հիրավի
Հոգիներին է Հաց:

Որովհետեւ երբ մարդն Աստծուն
է դիմում եւ աղոթքով Նրան կան-
չում,

Այն ժամանակ Աստված կարծես
նրա կանչին է պատասխանում՝

Տալով նրան՝ ինչ ինդրում է,
նրա Հոգին ապրեցնում է:

Հատուկ աղոթք՝ աղոթողի Համար

Եվարդ, ես՝ Հետինս եւ ամենաանարգս, ամենաթշվառս, ամեն ինչում Հանցավորս, միշտ սխալականս եւ ամոթալիս, որ նույնիսկ արժանի չեմ երկինք նայելու եւ զգալի արեգակի լույսը տեսնելու, կամենում եմ Համարձակվել եւ ներկայանալ Քո ամենատես աչքերին, Ո՛վ ինձ ստեղծող Աստված, Դու, որ ամենագետ ես եւ գաղտնատես եւ տեսնում ես մարդկանց անգործությունները: Գիտեմ՝ նաեւ այս ու Հավատում եմ, որ Դո՛ւ երկայնամիտ, ողորմած եւ ներող Աստված ես եւ չես կամենում մեղավորի մահը, այլ՝ նրա դարձն ու փրկվելը: Ուստի փղձկյալ սրտով, կորագլուխ

անձամբ եւ արտասպաթոր աչքերով,
գետնին ընկած բախում եմ Քո ամենաուստ ողորմութեան դուռը՝
բռնելով նրա բռնակներից, եւ վստահում Քո անսուտ հրամաններին,
Թե «Խնդրեցէք, եւ կտրվի, Հայցեցէք, եւ կգտնեք, բախեցէք, եւ կբացվի ձեր առջեւ»: Ահա՛, Հառաչանքներով ինդրում եմ, կողկողալով բախում եւ Հայցում Քեզանից, մարդասէ՛ր Աստված, լսի՛ր Քո ծառայի աղաչանքները, որ կանխավ վերառաքում եմ Քեզ՝ իմ թշվառ անձի Համար: Վա՛յ ինձ, վա՛յ ինձ եւ վա՛յ իմ անօրէն անձին, որովհետեւ չգիտեմ, Թե ինչ երեսով պիտի Համարձակվեմ կանգնել Քո առջեւ, Ո՛վ իմ Աստված, Ում միշտ մեղքերով բարկացրել եմ եւ արդէն իսկ այդ նույն բարկութեան ներքո եմ: Ի՛նչ պիտի ասեմ կամ ինչպէ՛ս Քեզանից իմ մեղքերին թողութեան

պիտի խնդրեմ, որ աՀա կրկին նույն
 մեղքի մեջ եմ ընկղմված, քանի որ
 Հավաստիորեն գիտեմ՝ արժանի եմ
 Քո սարսափելի այն խոսքին, թե
 «Երբ բարձրացնես քո ձեռքերը դե-
 պի ինձ, Ես երեսս կդարձնեմ քեզա-
 նից եւ նույնիսկ եթե Հաճախ աղո-
 թես, չպիտի լսեմ: Ինձ Համար քո
 նվերները պիղծ են, Հագեցել եմ քե-
 զանից, որովհետեւ քո ձեռքերը լի են
 արյամբ»: Հիրավի, ինձ նման անօ-
 րենների մասին ասացիր Եսայու մի-
 ջոցով, եւ ես խոստովանում եմ,
 Տէր, որ ոչ միայն արժանի եմ, որ
 ինձանից Քո երեսը թեքես ու ինձ
 չլսես, այլեւ, անգամ, եթե ինձ ողջ-
 ողջ դժոխքն իջեցնես՝ արժանի եմ:
 Քանզի ես ինքս գիտեմ, որ ամեն
 ինչում մեղավոր եմ եւ արժանի դա-
 տապարտության, որովհետեւ ոչ
 միայն ձեռքերս են լի արյամբ, այ-
 սինքն՝ Հափշտակությամբ, զրկո-

ղությամբ եւ այլ բաներով, որ ձեռ-
քերին են վերաբերում, այլեւ ամբողջ
անձս է լի անօրինությամբ եւ բոլոր
մեղքերով, ուստի իմ մարմնին բժշ-
կությունն չկա, իմ ոսկորներին՝ խա-
ղաղությունն, եւ ոտքից մինչեւ գլուխ
առողջությունն չկա, քանի որ «Իմ ա-
նօրինություններն իմ գլխից ավելի
վեր բարձրացան եւ որպէս ծանր
բեռ՝ ծանրացան ինձ վրա», որոնք
աՀա մոտեցել են ինձ՝ դժոխքի եւ
Հավիտենական Հրի մեջ ընկղմելու,
էթէ Դու, Ո՛վ Տէր, ինձ չօգնես:
Գիտե՛մ, գիտե՛մ, Ո՛վ Աստված իմ,
որ Դու ամենասուրբ ես, ատում ես
մեղքը եւ գարշում մեղավորներից ու
այդ պատճառով նրանց աղոթքները
չես լսում, այլ ինչպէս որ ասում ես,
դարձնում ես Քո երեսը: Նույնպէս
երանելի Դավիթն էր ասում, թէ «Իմ
սրտում մեղք էի տեսնում, մի՛ թէ,
Տէ՛ր, ինձ լսեցիր»: Իսկ երբ մեղքն

ատեցի ու անարգեցի, Աստծո օրէնքները սիրեցի, սրա Համար Տերն ինձ լսեց եւ իմ խնդրանքներն ունկնդրեց: Սակայն, Ո՛վ անոխակալ, ներող, գթած, երկայնամիտ եւ անհիշաչար Աստված, գիտեմ՝ նաեւ եւ Քո Սուրբ Գրքերից լսել եմ, որ Քո բարկութեան ժամանակ նաեւ ողորմութիւնն ես հիշում եւ այս կյանքում Հաճախ ես ողորմութիւնն ի գործ դնում՝ ինչպէս Հայտնի է նինավեացիների, Իսրայելի եւ ուրիշ շատ-շատերի դէպքում: Եվ Քո այդ նոյն Սուրբ Գրքերը Քեզ հիշելիս բազմիցս Ողորմած եւ Գթած անուններով են փառաբանում Քեզ, ինչպէս Դավիթն է ասում. «Ինչ որ ողորմած ես եւ գթած, երկայնամիտ ու բազում ողորմ Քեզ դիմող բոլորի Հանդեպ»: Մի թէ Հայտնի չէ, Ո՛վ Աստված, քանի որ արդար ես, ուստի բարկանում ես մեղավորների

վրա եւ քանի որ ողորմած ես, իսկույն կորստյան չես մատնում, այլ Համբերելով ներում ես եւ սպասում դարձին, ինչպես Դավիթն է վկայում: «Տերը մեզ վրա մինչեւ վերջ չի բարկանում եւ Հավիտյան ոխ չի պահում»: Քո օրհնյալ բերանով Դու իսկ ասացիր, թէ «Մի՛ թէ մեղավորի մաշն եմ կամենում. ո՛չ, այլ նրա դարձն ու ապրելն եմ կամենում», եւ թէ «Մեղավորը որ պահին Հոգվոց Հանի՞ կապրի»: Ահա՛ աներկբայելի Հոյս, ապաստանի վայր եւ բոլոր մեղավորների ապավինության Հարկ: Օրհնյալ է Քո ողորմությունը, գովյալ է Քո գթությունը եւ բարեբանյալ է Քո մարդասիրությունը, Ո՛վ Աստված մեր, քանի որ բարկության ժամանակ ողորմությունն ես գործածում, դատելիս՝ փրկության Հնարներ ցույց տալիս, պատժելիս՝ ազատության ճանապարհ սովորեց-

նում: Եթե այսպես է, ապա ի՞նչ
 իմաստ կա այժմ երկարապես ճա-
 ուելու իմ մեղքերի քանակի մասին
 կամ էլ դրանք մեկ առ մեկ Քո
 առջեւ բացելու, որ մարդկանց ան-
 գործությունները տեսնում'ես եւ Քո
 Գրքում բոլորին գրել ես: Եվ մանա-
 վանդ ես՝ մեղավորս, ինքս ահա
 խոստովանեցի ամեն ինչում իմ մե-
 ղավոր լինելը, որի պատճառով Քո
 բարկության ներքո եմ եւ դատա-
 պարտության արժանի: Այժմ, Ով
 ողորմած Աստված իմ, Քո ձեռքի
 գործ եւ Արարչիդ պատկեր եւ Քո
 արյամբ վերստին գնվածիս կթող-
 նե՛ս իսպառ կորչելու: Քավ լիցի, ո-
 ղորմա՛ծ Աստված իմ, որովհետեւ
 բոլորին կյանք ես կամենում:

Ուրեմն, աղաչում եմ Քեզ,
 մարդասե՛ր Աստված, ողոր-
 մա՛ծ Աստված, երեսս գետնին

խոնարհած, աղաչում եմ: Արտասու-
քով թրջում եմ Քո ոտքերի պատ-
վանդանի հողը եւ հառաչանքներով
խնդրում, որպեսզի երբ մոտենամ
Քո ողորմութեան աղբյուրին, բար-
կութեամբ չխրատես եւ սրամտու-
թեամբ չհանդիմանես, ու ինձ՝ ամե-
նապարտավոր ծառայիս հետ, որ ա-
մէն ինչում ափի ի բերան եւ անպա-
տասխան եմ Քո առջեւ, դատաս-
տանի չմտնես: Այլ քաղցրութեամբ
նայի՛ր ինձ եւ լսի՛ր իմ աղաչանքնե-
րը, որ անմաքուր բերանով Քեզ եմ
մատուցում: Անառակ որդու նման
մեղանշեցի երկնքի եւ Քո առաջ:
Սիրով ընդառաջ ելի՛ր, գթութեամբ
գրկի՛ր եւ համբուրի՛ր Քո ողորմու-
թեամբ: Թո՛ղ ինձ իմ բոլոր հան-
ցանքները, որոնք Դու ավելի լավ
գիտես, քան ես, եւ Քո օրհնյալ բե-
րանով ասա, թե՛ քո մեղքերը ներ-
ված թող լինեն: Մարդասէ՛ր

Աստված, Դու ասացիր, թե ասա քո
անօրէնութիւնները, որպէսզի ար-
դարանաս: Ահա ասացի եւ ասում
եմ. միշտ մեղանչեցի եւ անօրինացա
Քո առաջ, մեղանչեցի, Տէ՛ր, եւ Քո
առաջ չարը գործեցի: Ուրեմն, ար-
դարացրո՛ւ ինձ, Ո՛վ Դու ճշմարտա-
խոս Աստված: Մարդասէ՛ր Աստ-
ված, Դու ասացիր, թե մեղավորը ե-
թե դառնա դէպի Ինձ, Ես կգժամ
նրան եւ նրա բոլոր մեղքերը ծովի
մէջ կընկղմեմ: Ուրեմն, Ո՛վ գժած
Աստված, անլուծանելի պահի՛ր Քո
հրաման-խոսքերը, գժա՛ մեղավոր
ծառայիս, որ Քեզ եմ դիմում, եւ Քո
անհուն ողորմութեան խորքերն ըն-
կղմի՛ր իմ բոլոր մեղքերը: Մարդա-
սէ՛ր Աստված, Դու ասացիր. «Ես եմ,
որ իբրեւ մեզ ջնջում եմ քո մեղքերը
եւ քո անօրինութիւններն այլեւ չեմ
հիշելու»: Ուրեմն, Հավաստի՛ր ինձ
Քո խոսքը, Ո՛վ Դու անսուտ Աստ-

ված, ջնջի՛ր իմ բոլոր մեղքերն ու ան-
հայտացրո՛ւ, կտրի՛ր եւ իսպառ չո-
րացրո՛ւ իմ մեղքերի արմատը, որ-
պեսզի իմ մեջ այլեւս չերեւան ու
չբարկացնեն Քեզ: Մարդասէ՛ր
Աստված, Դու ասացիր՝ «Եթե՛ ձեր
մեղքերը ձանձախարիթ լինեն, ճյան
պես սպիտակ կդարձնեմ»: Իմ հան-
դեպ կատարի՛ր Քո խոսքերը, Ո՛վ
կարող Աստված: Մեղքերով սեւա-
ցածիս սպիտակեցրո՛ւ եւ մաքրի՛ր
բոլոր աղտեղություններից: Ի՛մ Տեր
եւ Աստված, Հիսուս Քրիստոս, Քո
փրկագործության ժամանակ Դու
ասացիր, թե՛ «Չեկա կորստյան
մատնելու, այլ ապրեցնելու», եւ թե՛
«Չեկա արդարներին կանչելու, այլ՝
մեղավորներին»: Արդարացրո՛ւ Քո
խոսքերը, Տէ՛ր իմ: Մեղքով մեռա-
ծիս կյանք պարգեւի՛ր եւ որին Քո
պատվական արյամբ գնեցիր՝ մի՛
թող կորչի: Մեղքի կապանքներից եւ

դժոխային գործերի բանտից ամենամեղավորիս սիրով դեպի Քեզ կանչի՛ր եւ կենդանացրո՛ւ, ինչպէս Քո սիրելի Ղազարոսին, եւ Քո շնորհով ուրախացրո՛ւ իմ Հոգին ու մարմինը, ինչպէս Ղազարոսի քույրերին: Տէ՛ր իմ Հիսուս, Դու ասացիր, թէ «Եկէ՛ք դեպի Ինձ բոլոր Հոգնաձներդ եւ ծանրաբեռնվածներդ, եւ Ես կհանգստացնեմ ձեզ»: Քո խոսքերն իմ հանդեպ իրականացրո՛ւ: Ահա ես՝ պես-պես մեղքերով Հոգնաձս եւ անօրինությամբ ծանրաբեռնվածս, Քեզ եմ դիմում, վերցրո՛ւ իմ մեղքերի ծանրությունը եւ թէթեւացրո՛ւ ինձ տառապյալիս, Ո՛վ Դու Հոգնաձների հանգիստ եւ մեղավորների Քավիչ:

Ո՛վ իմ Տէր Հիսուս Քրիստոս, Գա՛ռդ Աստծո եւ աշխարհի մեղքերը վերացնող, Դու

ա՛յս բանի Համար այնքան սարսու-
լի չարչարանքներ կրեցիր եւ Հեղելով
Քո պատվական եւ անգին արյունը՝
պատարագվեցիր խաչի վրա, որ-
պեսզի մեզ փրկես մահից ու դժոխ-
քից, Հավիտենական մահից եւ կյանք
պարգեւես:

Արդ, Քո նույն սոսկալի չար-
չարանքներն ու պատվա-
կան արյունը միջնորդ եմ դարձնում
Քո առաջ եւ աղաչում. որովհետեւ
ես Քո կողմից փրկվածներից ու
կյանք պարգեւվածներից մեկն եմ,
այնպես արա, որպեսզի մեղքի մեջ
չմեռնեմ ու Հավիտյան կորչեմ եւ Քո
սուրբ արյան Հեղումն ինձ Համար ի-
զուր լինի: Ուրեմն, Քո պատվական
արյան Համար իննայի՛ր ինձ, Մ՛վ իմ
Տեր, ների՛ր ինձ իմ բոլոր մեղքերը,
որոնք մինչեւ այժմ Հիմարաբար
գործել եմ, եւ այսուհետ մաքուր

սիրտ եւ ուղիղ Հոգի նորոգի՛ր իմ մեջ, որպէսզի այլեւս մեղք չգործեմ: Տո՛ւր ինձ Քո սուրբ երկուղը եւ դէպի այն ուղղիր իմ Հոգին, մարմինն ու միտքը, որպէսզի միշտ Քո սպառնալիքներից եւ դատաստանից երկուղեմ, խորշեմ ու Հեռանամ մեղքերից եւ բոլոր թշուր ճանապարհներից, միշտ զգույշ լինեմ Քո օրէնքների եւ պատվիրանների հանդէպ, եւ հանապազ ի մտի ունենամ իմ մահվան սոսկալի օրը եւ Քո ահաւոր դատաստանը: Տէ՛ր իմ, իմ Հոգին, միտքը, խղճմտանքն ու մարմնիս բոլոր զգայարանները մաքուր պահի՛ր Քեզ անհաճո ամեն բանից՝ չար մտածմունքներից, աղտեղի խորհուրդներից, արատավոր նայվածքներից, մեղսառիթ լուրերից, դատարկ եւ անպատշաճ խոսակցութիւններից, զարտուղի ընթացքից եւ բոլոր մեղսածին շար-

Ժումներից: Աղաչում եմ Քեզ, իմ Տեր եւ Աստված Հիսուս Քրիստոս, փրկի՛ր ինձ եւ պահպանի՛ր բոլոր թշնամիներից եւ նրանց որոգայթներից, Հոգեւոր եւ մարմնավոր բոլոր փորձություններից եւ, մանավանդ, ներկա վշտերից ու փորձանքներից (եթե որեւէ վիշտ ոնես, Հատկապես դա Հիշիր): Ինձ Հետ եղի՛ր Հանապազ օգնելու եւ փութա՛ ընկերանալու ինձ ամէն ժամ՝ առավոտյան եւ գիշերը, տանը եւ ճանապարհին, նստելիս, ննջելիս եւ արթնանալիս, աշխատելիս եւ Հանգստանալիս, որպեսզի երբե՛ք չսասանվեմ: Քանի որ իմ մոր արգանդից Քո առջեւ ընկա, մանկությունիցս ի վեր Դո՛ւ ես իմ Հոցսն ու ապավենը, Դո՛ւ ես իմ Հոցսը ծերության ժամանակ եւ Դու ես իմ Հոցսն ու ապավենը իմ մահվան եւ Քո մյուս անգամ գալստյան ժամանակ: Դո՛ւ ես եւ ուրիշ

ոչ որ: Ի՛մ Տեր եւ Աստված Հիսուս
Քրիստոս, ահա եւ Հոգով, մտքով,
մարմնով եւ ամեն ինչով ինձ հանձ-
նում եմ Քո անհուն ողորմությանն
ու խնդրում, որպեսզի ինձ չզրկես
Քո շնորհներից, չմերժես Քո
խնամքից եւ չթողնես ինձ իմ կամ-
քով գնալ, այլ Քո շնորհների մեջ
պահես, Քո խնամքի տակ կառա-
վարես եւ Քո կամքով ինձ առաջ-
նորդես: Ինչպես Քո օրհնյալ կամ-
քին է հաճելի, այնպես առաջնորդես
ինձ կատարյալ լինելու եւ շարժվե-
լու, որքան որ այս կյանքում կլինեմ:
Իսկ իմ կյանքի օրերի ավարտին,
Տէ՛ր իմ, աղաչում եմ Քեզ անարատ
ծնողիդ միջնորդութեամբ, սուրբ
Հովհաննէս Կարապետի, սուրբ
Ստեփաննոս Նախավկայի եւ Քո
սուրբ առաքյալների ու մեր լուսա-
վորիչներ՝ սուրբ Թադեոսի, Բար-
դուղիմեոսի, եւ Գրիգորի, բոլոր

երկնավոր եւ երկրավոր Քո սրբերի
աղոթքներով ու բարեխոսութեամբ,
Քո սուրբ նշանների՝ Քո կենսատու
սուրբ Խաչի, կողամուխ Քո սուրբ
Գեղարդի, սոսկալի սուրբ
Բեւեռների եւ Փշեղէն Քո Պսակի
եւ Քո չարչարանքների մյուս սուրբ
գործիքների շնորհներով եւ միջնոր-
դութեամբ տո՛ւր ինձ արթուն
մտքով, կատարյալ դիտավորու-
թեամբ, ճշմարիտ Հավատքով, ա-
նեղեա Հոյսով, առաքինի գործով,
ստույգ խոստովանութեամբ, ջերմա-
գին զղջմամբ, Քո սուրբ եւ կենսա-
րար մարմնի ու արյան Հաղորդու-
թեամբ գալ առ Քեզ եւ արժանանալ
Քո ամենացանկալի տեսութեանն ու
Քո երջանիկ սրբերի եւ սիրելիների
հետ փառավորել Քեզ Հոր եւ Սուրբ
Հոգուդ հետ Հավիտյանս Հավիտե-
նից. Ամեն:

Տէր իմ Աստված, աղերսա-
կան խոսքերիս ավարտին
Հայցում եմ՝նաեւ, որպեսզի սա Քո
Հնորհների տուփ լինի՝ դեղ տալու
նաեւ ուրիշների վերքերին: Որպես-
զի ովքեր սրտի զղջմամբ սրանով
Քեզ՝ բարիքների աղբյուրիդ մոտե-
նան, լսես նրանց աղաչանքները՝
տալով նրանց պիտանին, որպեսզի
բոլորի բերանները Քեզ Հանապազ
փառավորեն:

Առավոտյան ժամի աղոթք

Տէր, եթէ իմ շուրթերը բացես,
իմ բերանը քո օրհնութիւնը պիտի
երգի:

Օրհնյալ Համագո եւ միանա-
կան անբաժանելի Սուրբ Երրոր-
դութիւնդ՝ Հայր, Որդի եւ Սուրբ
Հոգի, այժմ եւ միշտ եւ Հավիտյանս
Հավիտենից. Ամէն:



Գլուխ Գ

Տէր իմ եւ Աստվա՛ ծ իմ, գո-
Հանում եմ Քեզանից, օրհ-
նում ու փառավորում Քո սուրբ ա-
նունը, որ ինձ՝ Քո մեղավոր եւ ա-
նարժան ծառային, այս գիշեր բոլոր
վտանգներից ու փորձություններից
պաշտօնից եւ խաղաղությամբ Հասց-
րեցիր առավոտվա այս ժամին ու
Քո ողորմության լույսը տեսնելու
արժանացրեցիր: Այժմ աղաչում եմ
Քեզ, Տէր իմ եւ Աստվա՛ ծ իմ, նույն
ամենագոր Քո Աջով ինձ պաշի՛ր
նաեւ այս ցերեկ եւ փրկի՛ր վասա-
բեր բոլոր պատահարներից, երեւելի
եւ աներեւոյթ թշնամիներից եւ բո-
լոր մեղսառիթ խորհուրդներից՝
խոսքերից եւ գործերից: Իմ ըն-
թացքն ուղիղ դարձրո՛ւ, որպեսզի

մեղքերն ինձ չտիրեն: Ինձ առաջ-
նորդի՛ր բարի խորհուրդների, ճշ-
մարիտ խոսքերի, անմեղածին եւ
օգտակար գործերի: Ինձ՝ սխալա-
կան Քո ծառային, բոլոր գործերում
Դո՛ւ եղիր առաջնորդ եւ վերակա-
ցու ու ամեն ժամանակ փրկի՛ր դեւի
գայթակղություններից: Իմ ձեռքի
գործերը կատարյալ դարձրո՛ւ եւ
ինձ Հաջողություն պարգեւի՛ր: Իմ
Հոգու եւ մարմնի պետքերը Դո՛ւ
պատրաստիր եւ առանց մեղքերի եւ
փորձանքների՝ խաղաղությամբ
Հասցրո՛ւ երեկոյան ժամին, որպես-
զի այն ժամին եւս փառավորեմ
Սուրբ Երրորդությանդ, որին միշտ
վայել է փառք Հավիտյանս Հավիտե-
նից. Ամեն:

Երեկոյան՝ քնելու ժամի աղոթք

Գլուխ Դ

Տէր իմ եւ Աստվա՛ծ իմ, գո-
հանում եմ Քեզանից, օրհ-
նում եւ փառավորում Քո Սուրբ Ա-
նունը, որ անարժան եւ մեղավոր Քո
ծառային այսօր ցերեկը պահեցիր եւ
խաղաղությամբ երեկոյան այս ժա-
մին Հասցրեցիր: Ա՛յժմ աղաչում եմ
Քեզ, Տէր իմ եւ Աստվա՛ծ իմ, որ
ցերեկն ստեղծեցիր աշխատելու, իսկ
գիշերը՝ մեր տկար բնության
Հանգստանալու Համար, արդ, Քո
ծառան թող մարմնով ննջի, իսկ Հո-
գով եւ մտքով արթուն մնա: Տէր իմ
եւ Աստվա՛ծ, աՀա ես ննջում եմ եւ
անկենդան ընկած մի դի եմ ու չգի-

տեմ, թե էրբ եւ ինչպէ՛ս պետք է արթնանամ: Դրա համար ել հոգիս, մարմինս եւ իմ բոլոր պարագաները Քո անհուն ողորմութեանն եմ հանձնում եւ խնդրում, որ Դու Քո ամենագոր Աջով դրոշմես Քո ծառայի տեղն ու հարկը, ելքն ու մուտքը, որ կարողանամ ապահով, աներկյուղ, խաղաղութեամբ եւ առանց փորձանքների ննջել: Պահպանի՛ր ինձ հոգեւոր եւ մարմնավոր բոլոր թշնամիներից եւ փրկի՛ր նրանց որոգայթներից, խավարում շրջող իրերից, գիշերային երկյուղից, դիվական ցնորքներից եւ զարհուրեցնող տեսիլքներից: Մաքրի՛ր իմ միտքը բոլոր թշուր մտածումներից, աղտեղի խորհուրդներից եւ բոլոր մեղսածին շարժումներից: Քո հանցավոր ծառայի վրա պահապան եւ վերակացու կարգի՛ր Քո երկնային զինվորների բանակներին եւ իմ պահա-

պան Հրեշտակիդ Հետ, Քրիստոսիդ
ամենաՀաղթ Խաչի նշանը, որոնցով
այս գիշեր ապահով եւ աներկյուղ
ննջեմ եւ խաղաղությամբ առավո-
տյան ժամին Համնեմ, որպեսզի այդ
ժամին էլ փառավորեմ Հորը, Ար-
դուն եւ Սուրբ Հոգուն, որին միշտ
վայել է փառք եւ երկրպագություն
Հավիտյանս Հավիտենից. Ամեն:

Աղոթք ընդհանուր ննջեցյալների եւ մանավանդ ընտանիքների եւ երախտավորների համար

Գլուխ Ե

Ո'վ բազմագույթ Աստված, աղաչում եւ խնդրում եմ Քեզ նաեւ մեր ազգի բոլոր հին եւ նոր, հավատով եւ հույսով ի Քեզ ննջածների համար: Մանավանդ, Քեզ մոտ ննջող իմ մարմնավոր եւ հոգեւոր ծնողների, եղբայրների, քույրերի, ազգականների, սիրելիների, բարեկամների, բարու մեջ կրթող հոգեւոր վարդապետների, ուսուցիչների, մեր բոլոր աշխատավորների եւ երախտավորների համար, որ-

պեսզի Քո գալստյան մեծ օրը ո-
ղորմութեամբ հիշես եւ թողութիւնն
չնորհես նրանց բոլոր մեղքերին ու
սխալներին եւ Քո աջակողմյան
դասի սրբերի հետ դասես եւ թոյլ
տաս լսել Քո երանավետ խոսքը,
թէ՛ «Եկէ՛ք, իմ Հոր օրհնածներ»:
Եվ ըստ մեր հանդէպ կատարած
նրանց երախտիքների՝ մեկի
փոխարէն բյուրապատիկ հատուցես
նրանց հոգիներին, իսկ մեզ նրանց
պարտքերից անպարտ դարձնես:
Քեզ փառք հավիտյանս հավիտե-
նից. Ամէն:

Աղոթք թշնամիների և չարակամների համար

Գլուխ Զ

Արդ, Ո՛վ ողորմած և բազմագութ Աստված իմ Հիսուս Բրիստոս, ինչպես Հարկն է և մեր բնության օրենքն է պահանջում, իմ ընտանիքի անդամների և բարերարների համար Քեզանից բարություն և ողորմություն խնդրեցի: Այժմ աղաչում եմ Քեզ նաև իմ թշնամիների համար, ինչպես Դու իսկ ասացիր Քո օրհնյալ բերանով, թե «Բարի գործեք ձեզ ատողներին»: Ուրեմն, Քո առաջ խոնարհված խնդրում եմ Քո ամենաառատ ողորմությունը, որպեսզի

ողորմես նաեւ իմ բոլոր թշնամիներին, ատողներին, չարակամներին, վնասատուներին եւ բոլոր նրանց, ովքեր իմ՝ Քո ծառայի մասին չարիքներ են խորհում եւ խոսում, գործում եւ կամենում գործել: Իմ պատճառով մի՛ բարկացիր նրանց վրա, ովքեր թե՛ իրավամբ եւ թե՛ անիրավ կերպով բամբասում, վատաբանում եւ հայհոյում են ինձ, այլ ների՛ր եւ թո՛ղ նրանց մեղքերը, որովհետեւ նրանք մեղանշում են ի՛մ հանդեպ, որ հիրավի մեղավոր եմ եւ արժանի ամեն տեսակ բամբասանքների եւ նախատիկների, իսկ ես՝ Քո՛ հանդեպ եմ մեղանշում, որ արդար ես ամեն ինչում եւ միշտ բարերար իմ հանդեպ: Ուրեմն, եթե նրանք արժանի են Քո բարկությանը, ապա բյուրապատիկ ես եմ բարկության որդի եւ պատիժների արժանի ավելի, քան նրանք: Սրա հա-

մար աղաչում եմ Քեզ, Տէր իմ, որ
բոլոր բարությունների աղբյուր ես
եւ անհուն ողորմության ծով, որ-
պէսզի ողորմես նրանց եւ նրանց
հետ՝ նաեւ ինձ, եւ ներես իմ բոլոր
սխալները, որ ունեմ, եւ չարից
դարձես՝ փոխելով դեպի բարին,
որպէսզի բոլորս զգաստանալով
Քո կամքի համաձայն գնանք եւ
փառավորենք Քեզ՝ Հոր եւ Սուրբ
Հոգուդ հետ: Այժմ եւ միշտ եւ հա-
վիտյանս հավիտենից. Ամէն:

Ողբերգական աղոթք ողջ
ազգիս եւ Հայոց եկեղեցի-
ների համար

Գլուխ Է

Եվարդ, Տէր իմ եւ Աստված
իմ Հիսուս Քրիստոս, ես՝
ամենասխալ, բազում չարիքներով
եւ անօրինությամբ լցված Քո ծա-
ռան, արդէն կորագլուխ անձամբ
խոնարհված եւ մեծակական ողբով ի
խորոց սրտի հառաչում եմ առ ամե-
նագթածդ Աստված եւ աղաչում:
Մեր ողորմելի եւ անտերացած ազ-
գի համար Քեզ եմ կանչում, Ով ո-
ղորմելիների ողորմած եւ անտերնե-
րի Տէր, անճարների ճար, անօգնա-
կանների օգնական, անհույսների

Հոյս եւ ապավեն, նեղյալների եւ
վշտացածների Հանգիստ եւ մխի-
թարութիւն: Մեծ թախանձանքով
առ Քեզ եմ գոչում, բացի ր, Տէր,
Քո աչքերը եւ տէ՛ս մեր ողորմելիու-
թիւնը, տէ՛ս, թե Քո փոքրիկ Հոտն
ինչպէս է ցրվել եւ տարագրվել ամ-
բողջ աշխարհով, մատնվել օտար
տերերի եւ թշնամիների ձեռքը,
զրկվել իր բնակութեան բնիկ տեղե-
րից եւ Հայրենիքից: Ա՛խ, նրանք
նման են ծովի ալիքների վրա ա-
ռանց ղեկավարի ղեկաբեկ տա-
տանվող նավի եւ անապատում ա-
ռանց Հովվի մոլորված ոչխարների,
ո՛չ Մովսէս ունեն, որ առաջնորդի,
եւ ո՛չ էլ Հեսու, որ թշնամիների դէմ
ելնի: Ո՛չ Դավիթ ունեն, որ նրանց
Համար Հաճելի պատարագ մատու-
ցի Քեզ եւ Քո բարկութեան սուրը
ես դարձնի: Մարգարե, թագավոր,
իշխան եւ առաջնորդ եւ ո՛չ էլ որեւէ

տեղից օգնութիւն ունեն: Մեր իշխաններն ու ազատագունները, ունեցվածքից եւ իշխանութիւնից զրկված եւ ուրիշների իշխանութեան տակ ընկած, ծառայում են ողորմելիաբար: Մեր Հասարակ Ժողովուրդը, այլազգիների ծանր լծի եւ Հարկի տակ, իր կյանքի ապրուստը Հազիվ է Հայթայթում եւ գտնում, երբ ուրիշներն են ուտում եւ վայելում նրանց սերմանածն ու վաստակածը: Քո անվամբ եւ Քո սիրելի սրբերի Հիշատակին կառուցված, Սուրբ Հոգուդ օծմամբ կնքված եւ ամենահաղթ Խաչիդ նշանով պսակված վայելչագեղ եկեղեցիներն ու պայծառաշէն վանքերը, որոնց մէջ Աստուծո Գառն էր աշխարհի փրկութեան Համար պատարագվում, որոնց մէջ Քո սրբագործ եւ Հոգեկեցոյց խորհուրդներն էին կատարվում, որոնցից օրհնութիւնների եւ

փառաբանությունների ձայներ,
 Հոգեւոր բուրմունք, Հաճելի
 ընծաներ եւ Հաշտարար աղոթքներ
 էին վերառաքվում, ահա՛, մեծ մա-
 սամբ ամայացել են եւ ապականվել,
 գողերի եւ գազանների օթեւան
 դարձել: Հիրավի, թշնամին Քո
 փափագածի Հանդէպ
 ոտնձգություն արեց: Հէթանոսները
 մտան Քո ժառանգությունը եւ
 պղծեցին Քո սուրբ տաճարը:
 Նրանց սրահներն ու սրբություն-
 ները ապականություն դարձան,
 նրանց ճանապարհները սգավոր
 դարձան, նրանց տարեկան տոների
 երթեւեկը դադարեց: Լռեցին
 նրանցից էլնող օրհնությունների եւ
 փառաբանությունների ձայները:
 Մնտեղ գազաններն ու Հափշտա-
 կողներն են ելումուտ անում: Աքան-
 չելի դամբարաններն ու նրանց մէջ
 գտնվող Քո սրբերի բժշկարար

Նշխարները անսուրբերի եւ պիղծերի ոտքերի կոխան են դարձել: Դրանց քահանաներն ու պաշտոնյաները Հալաժվել եւ ամենուր փախստական են դարձել, շատերն էլ գերվել, սպանվել եւ անհայտ կորել: Ուստի մենք՝ մնացածներս, մեր դրացիների Համար նախատինք եղանք եւ թշնամիների կատակներում ծաղրի ենթարկվեցինք: Արդ, այս բոլորը մեզ վրա եկել եւ գալիս են մէ՛ր մեղքերի պատճառով: Քանի որ մեղանշեցինք, անօրինացանք, եւ ապստամբեցինք Քո դեմ, այդ պատճառով էլ Դու թույլ տվեցիր, որ բոլոր այս չարիքները գան մեզ վրա, տիրեն մեզ եւ մատնեն թշնամիների, ապստամբ տերերի ձեռքը, այնպես որ, մեր մեղքերի Համար ամբողջ երկրում տառապում ենք այսօր: Ուրեմն, Քեզ, մեր Աստծուն՝ արդարություն, իսկ մեր երեսներին՝

ամոթ: Արդ, այժմ ո՞ւմ պիտի դի-
մենք, Ո՛վ Աստված մեր, եւ ո՞ւմ պի-
տի պատմենք մեր ցավերը, եթէ ոչ
նույն Բարկացողիդ, որ ինչպէս ար-
դարութեամբ խրատեցիր եւ պատ-
ժեցիր մեզ, նույնպէս կարող ես
նույն ողորմութեամբդ վերստին
բժշկել եւ մխիթարել: Դրա Համար
աՀա, ընկնում եմ անոխակալ Աստ-
ծուդ առաջ, եւ անառակի պէս գո-
չում. մեղանչել ենք երկնքի եւ Քո
առաջ, մեղանչել ենք Ստեղծողիդ
առաջ, մեղանչել ենք Քո, մեր Բա-
րերարիդ եւ Աստծուդ առաջ: Աղա-
չում եմ Քեզ, անոխակալ Աստված,
հրաժարվի՛ր Քո բարկութիւննից եւ
Քո ցասումից, մի՛ հիշիր մեր
առաջին մեղքերը, Քո ողորմութիւն-
նը շուտափոյթ թող գա մեզ վրա,
որովհետեւ շատ ենք աղքատացել:
Չարթնի՛ր, Տէ՛ր, զարթնի՛ր, արի՛
եւ մի՛ մերժիր մեզ իսպառ: Մի՛ մո-

ուացիր մեր աղքատութիւնը եւ նեղութիւնները: Արի՛, Տէ՛ր, օգնի՛ր եւ փրկի՛ր մեզ Քո անվան Համար, որ դրված է մեզ վրա: Հանուն Քո անվան՝ իսպառ մի՛ մատնիր մեզ, մի՛ դրժիր Քո ուխտը եւ մի՛ Հեռացրու Քո ողորմութիւնը մեզանից, որովհետեւ Դու ես միայն մեր Տեր եւ Թագավոր, Դու ես միայն մեր Փրկիչն ու օգնականը, Դու ես միայն մեր ապավենն ու Հոյսը, որովհետեւ Քեզանից բացի որեւէ մեկին չենք ճանաչում եւ Հանապազ Քո անունն ենք տալիս: Տէ՛ս մեր ազգի տառապանքները, օգնութեան Հասի՛ր եւ այցելի՛ր: Եվ ինչպէս Աբրահամի, Իսահակի, Հակոբի եւ Քո Դավիթ ծառաների Համար գթում էիր Հին ժողովրդին, այժմ էլ Քո անարատ ծնող Սուրբ Աստվածածնի, Սուրբ Հովհաննէս Կարապետի եւ Քո Մկրտչի, Սուրբ Ստե-

փաննոս Քո Նախավկայի, Քո սուրբ առաքյալների եւ մարգարեների եւ մեր Թադեոս ու Բարդուղիմեոս սուրբ առաքյալների եւ Հատուկ մեր լուսավորիչների, Սուրբ Գրիգոր բազմաչարչար Քո վկայի եւ Քո ընտրյալ նրա որդիների, թոռների ու ծոռների, սուրբ Հռիփսիմյանց եւ Գայանյանց Քո Հաղթող վկաների, այլեւ սուրբ Հայրապետների եւ վարդապետների, ճգնավորների, մարտիրոսների, կոյսերի եւ Քո բոլոր Հին ու նոր, Հայտնի եւ անՀայտ սրբերի բարեխոսությամբ, այլեւ Քո երկնավորների՝ Գաբրիելի եւ Միքայելի եւ ամբողջ անմարմին դասերի բարեխոսությամբ գլխա՛ Քո նոր ժողովրդին եւ փոքր Հոտին: Որովհետեւ եթե մեր բազում մեղքերի եւ անօրինությունների պատճառով առժամանակ թողեցիր մեզ, երեսդ դարձրեցիր մեզանից եւ Քո

պատվական արյան Համար
 տրտմեցիր, ապա նաեւ Քո սիրելի-
 ների արդարութեան Համար դար-
 ձի՛ր եւ Քո մեծ ողորմութեամբ ո-
 ղորմի՛ր մեզ, ցո՛ւց տուր Քո երեսը
 եւ ուրախացրո՛ւ մեզ: Ինչպէս ասա-
 ցիր Եսայի մարգարեի միջոցով:
 Լսելի՛ արա մեզ այն երանավետ
 ձայնը, լուսավորի՛ր Հայաստանյայց
 Եկեղեցիդ եւ ուրախ եղի՛ր, որով-
 Հետեւ Հասել է Քո լոյսը: Ահա վա-
 սիկ խաղաղութիւնը իբրեւ գետ
 դարձնում եմ դեպի քեզ եւ քո մա-
 նուկներին իրենց ուսերի վրա բարձ-
 րացրած Հեռուներից կբերեն: Հի-
 րավի, այսպիսի Ամենակարող
 Աստծո ողորմութեանն ենք մնացել
 ապավինած, ողորմա՛ծ Աստված:
 Ուրեմն, Հաշտվի՛ր Քո մնացած ժո-
 ղովրդի Հետ: Փրկի՛ր մեզ մեծ
 Հրաշքներով, ժողովի՛ր մեզ Քո սիրո
 գոգը եւ մխիթարի՛ր մեզ Քո սուրբ

անվան փառքի Համար, որ դրել էս մեզ վրա:

Այլեւ աղաչում եմ Քեզ, Տէր իմ եւ Աստված ծ իմ, մեր ամայացած եւ անշքացած վանքերի ու եկեղեցիների Համար: Լսի՛ր մեզ, որ աՀա նեղված սրտով դիմում ենք Քեզ: Մի՛ Հիշիր մեր մեղքերը, որով բարկացրեցինք Քեզ, այլ Հիշի՛ր Քո սրբերին, որոնց անուններով կառուցվեցին մեր եկեղեցիները, Հիշի՛ր նրանց սուրբ եւ մաքուր նշխարները, որոնք ամփոփված են նրանց մեջ, եւ սրբությունները, որոնց վրա Քո անունն է գրված: Ոչ թէ իմ արդարության Համար եմ այս աղերսներն ուղղում Քեզ, այլ Քո բազում գթության եւ Քո սիրելի սրբերի ու սրբությունների սիրո Համար: Աղաչում եմ Քեզ, ողորմած Աստված, գթած Աստված, Քո անՀուն ողորմության

Համար, ի սեր Քո սուրբ եկեղեցիների եւ սրբութիւններ, Քեզ Հաճելի սրբերի բարեխոսութեամբ եւ նրանց չարչարանքների, պատվական արյան, մաքուր նշխարների եւ դամբարանների միջնորդութեամբ ողորմի՛ր եւ այցելի՛ր մեզ: Ինչպես տառապեցրեցիր Քո բարկութեամբ, նույնպես բժշկի՛ր եւ մխիթարի՛ր Քո ողորմութեամբ: Արովհետեւ ինչպես մեր մեղքերի պատճառով մեր աչքերը ամայութիւն եւ ապականութիւն տեսան, այնպես էլ, Հանուն Քո սիրելի սրբերի, վերստին տեսնելու արժանացրու նրանց վերանորոգութիւնն ու պայծառութիւնը: Եվ ինչպես որ նրանցից դադարեցին եւ լռեցին օրհնութեան եւ փառաբանութեան ձայները, այնպես արա, որ Քո անվան փառքի Համար վերստին զորանան եւ բարձրանան, որպէսզի բոլորն իմանան, որ Քո ա-

Նունը դրված է մեր եւ նրանց վրա,
որը եւ մենք տեսնելով՝ փառք եւ
գոհություն առաքենք դէպի եր-
կինք՝ Հոր եւ Սուրբ Հոգուդ Հետ,
այժմ՝ եւ միշտ եւ Հավիտյանս Հավի-
տենից. Ամէն:

Հայ ազգի համար կատար-
վող հատուկ բարերարու-
թյունների համար շնորհա-
կալություններ Աստծուն: Եվ
դարձյալ խնդրանքներ,
որպեսզի առավել եւս
ողորմի եւ բարերարու-
թյուն անի

Գլուխ Ը

Ողորմած Աստուծո՛ւ վերակ-
րկնելով իմ պաղատանքնե-
րը՝ խնդրում եմ եւ մեր ազգի մնա-
ցորդի, այսինքն՝ վանքերի, եկեղե-
ցիների, եկեղեցականների եւ ամ-
բողջ մեր ժողովրդի համար, որոնց
ցայսօր հաստատուն եւ բարեկարգ

ես պաՀել: Մեծ Թախանձանքով աղաչում եմ, որ Հետ այսու եւս, Քո սուրբ անվան փառքի Համար, խնամքիդ տակ պաՀես: Մի՛ նայիր իմ մեղքերին ու անարժանություններին, այլ նայի՛ր Քո անսպառ սիրուդ եւ անբավ մարդասիրությանդ, եւ ըստ իմ սխալական բնության եւ տկար մտքի, ինչ որ խնդրում եմ, Դու կատարի՛ր իմ խնդրանքը Քո ամենագետ եւ անսխալ իմաստությամբ, Դո՛ւ որ ավելի լավ գիտես մեր պետքերն ու օգուտները, քան մենք, որ խնդրում ենք եւ գիտենք: Արդ, նախքան իմ խնդրելը՝ իբրեւ աղերս, Քո՛ իմ Աստծուդ առաջ դնելով գլխավոր եւ մեծամեծ բարերարություններդ, որոնք արել ես Հատկապէս Հայոց ազգիս, Հիշում եմ մեծ շնորհակալությամբ, որովհետեւ եթէ ոչ մեր արժանավորության Համար, գոնէ նրանց խնայելով գլխաս

մեզ եւ ողորմես: Արդ, նախ Հիշեցնեմ
Քեզ, Ո՛վ Տէր իմ Հիսուս Քրիստոս,
քոյակերտ եւ քոյաՀաստատ Աթոռդ,
որովՀետեւ Հավատքի եւ Հոգու մեր
Ծնող Սուրբ Էջմիածինը, որը Քո իջ-
մամբ Հիմնարկեցիր, Քո աստվա-
ծային լույսով ձեւակերպեցիր, եւ ա-
մենիմաստ ճարտարապետ, Դո՛ւ
կառուցեցիր եւ Հաստատեցիր:
Սուրբ Էջմիածինն եմ ասում, որը
որպէս միակ պայծառագոյն արե-
գակ՝ ծագեցրեցիր Արարատյան
դաշտի վրա, եւ որպէս միակ լուսա-
տու եւ պատվական ակն՝ փայլեց-
րեցիր Վաղարշապատ քաղաքի
վրա: Որն իբրեւ Քո անսպառելի
Հնորհների միակ շտեմարան՝
կառուցեցիր Հայկազյան ազգի մեջ
եւ իբրեւ Հոգեպարար պարգեւների
միակ մշտաբուխ աղբյուր՝ բխեց-
րեցիր Թորգոմյան վիճակի Համար,
որով ցանկալի եւ նախանձելի

դարձրեցիր նրան բոլոր ազգերի եւ երկրների աչքում: Նաեւ այս միակ, գերազանցագույն եւ անհամեմատ պարգեւը, առանձնահատուկ սիրով մեզ՝ Հայ ազգիս եւ Քո փոքր Հոտիդ շնորհեցիր: Եվ ոչ միայն այս, այլեւ բազում եղանակներով, Հատուկ սիրով ուրիշ ազգերի մեջ առանձնացրեցիր մեր ազգը, որովհետեւ Թեպետ յուրաքանչյուր ազգ եւ ժողովուրդ Աթոռներ եւ եկեղեցիներ ունեն, սակայն նրանք լուսաձեւ եւ աստվածակերտ չեն Սուրբ Էջմիածնի մեր Աթոռի պես: Ուրիշ Հավատացյալ ազգերի Հովվապետերն ու լուսավորիչները Թեպետ սուրբ են, սակայն տաննհինգ տարի բազմատեսակ չարչարանքների փորձության բովով չեն մաքրվել, պարզվել եւ մահից ազատվել, ինչպես մեր սուրբ Գրիգոր Լուսավորիչը: Թեպետ ուրիշ ազգեր անմարմին եւ

աստվածային Բանի մարմնացու-
 ցիչ՝ գիր եւ տառ ունեն, սակայն մեր
 գրերի նման Հատուկ Քեզանից չեն
 շնորհված եւ Քո մատով չեն գծված:
 Թեպետ բազում ազգերի կանչեցիր
 դեպի Քեզ եւ Հավատացյալներ
 դարձրեցիր, սակայն Քո սրբազան
 առաքյալների եւ աշակերտների
 քարոզութեամբ եւ
 վարդապետութեամբ այդ արեցիր,
 իսկ Հայոց ազգին (որովհետեւ Հատուկ
 Քեզ սիրելի էր) չբավարարվեցիր աշա-
 կերտներով եւ քարոզութեամբ Քոնը
 դարձնել, այլ, կարծես թե անաշ-
 խատ եւ ամենակարող Աստվածդ,
 աշխատեցիր եւ այնքան Հոգացիր,
 մինչեւ որ բռնութեամբ եւ
 անօրինակ հրաշքներով դեպի Քեզ
 կանչեցիր եւ Քեզ սեփական ժողո-
 վուրդ դարձրեցիր: Ուրիշ ազգերի
 վրա թեեւ թագավորներ եւ մարմ-
 նավոր իշխողներ կարգեցիր, սա-

կայն մեզ՝ Հայոց ազգի եւ Քո փոքր
 Հոտի Համար Դու Ի՛նքդ եղար Թա-
 գավոր, Տեր եւ Իշխան՝ ավանդելով
 մեզ, թէ՛ «Իմ եւ իմինների թագա-
 վորությունն այս աշխարհից չէ», եւ
 ըստ Քո Հարազատ սուրբ Պողոսի՝
 «Ովքեր քրիստոնյա են, իրենց մար-
 մինները խա՛չ պիտի Հանեն»։ Եթէ
 այլազգիների ձեռքով երբեմն տան-
 ջում եւ խրատում ես մեզ, այն եւս
 Քո Հայրական եւ Հատուկ սիրո
 նշաններն են, որովհետեւ ում սիրում
 ես, խրատում եւ Հանդիմանում ես,
 որոնք Քո Հատուկ եւ գերազանցա-
 գույն սիրո եւ գթության նշաններն
 ու քարոզներն են, որ ունես մեր
 խեղճ Հայոց ազգի Հանդեպ։ Հիրա-
 վի, Ո՛վ Տեր իմ, ինչպես մեր
 Հանդեպ վարվեցիր, ուրիշ ազգերի
 եւ ժողովուրդների հետ նույնկերպ
 չվարվեցիր։ Արդ, Քո այսքան բա-
 րերարությունների փոխարեն ոչինչ

չունենք Քեզ Հատուցելու, այլ միայն
ՀնորՀակալությամբ Հանդերձ Հա-
վիտյանս Հավիտենից փառք եւ գո-
հուլթյուն պիտի մատուցենք Քեզ՝
անկարոտ Աստծուդ:

Արդ, որ ավելի մեծ եւ ավելի
գերազանց գործեր արեցիր,
փոքրերն ու ավելի դյուրինները մի՛
խնայիր մեզանից, Ո՛վ բարերար եւ
ողորմած Աստված, ում Համար ամեն
ինչ Հնարավոր է եւ դյուրին: Ուրեմն,
աղաչում եմ Քեզ, Ո՛վ բարերար եւ
ողորմած Աստված, քոյաՀաստատ
մեր Աթոռը եւ Մայրը՝ Սուրբ Էջ-
միածինը (որը իբրեւ Հատուկ փառք, պար-
ծանք եւ մխիթարություն մեզ՝ Հայ ազգիս եւ
լուսավորչակրոն Հոտիս ՀնորՀեցիր), ըստ
Քո անսուտ խոստման, անխախ-
տելի վեմիդ վրա Հաստատուն եւ
անշա՛րժ պահիր: Ի մխիթարու-
թյուն, ի զվարճություն մեզ եւ մեր ե-

կեղեցիների մինչեւ աշխարհի վերջը
Քո սուրբ Հոգու մշտազեղ եւ Հոգե-
պարար շնորհներն անպակա՛ ս արա
նրանից: Նրան, որ Հաստատել էս
մեր մեջ, Քո սուրբ անվան փառքի
Համար օրրստօրե զորացրո՛ւ, պայ-
ծառացրո՛ւ եւ փայլեցրո՛ւ երկրի բո-
լոր ծագերում: Քո ճշմարիտ
խոստումի Համաձայն՝ Քո ոտքերի
սուրբ Տեղը բոլորի աչքերում միշտ
փառավորի՛ր: Փշրի՛ր Քո ամենա-
կարող զորութեամբ եւ խորտակի՛ր
նրանց, ովքեր կհարվածեն այն վե-
մին: Կուրացրո՛ւ նրանց աչքերը,
ովքեր նենգութեամբ նայում են
նրան: Չարդարուն եւ պէ՛րճ պահիր
նրան միշտ քոյարնտիր Հայրա-
պետներով, շնորհափայլ եպիսկո-
պոսներով եւ վարդապետներով եւ
բոլոր Հավատացյալներով: Ներկա
մեր Հայրապետին (այս անուն)՝ Կա-
թողիկոսին, Քեզ հաճելի նրա բոլոր

գործերում եւ ընթացքներում ամեն
ժամ օգնական եւ ձեռնհաս եղի՛ր:
Քո սուրբ տան պայծառութեան եւ
Քո ծառաների մխիթարութեան հա-
մար նրան երկար տարիներ խաղա-
ղութեամբ պաշի՛ր:

Եվ մեր Սուրբ Աթոռի հետ
պաշի՛ր նաեւ մեր մյուս բո-
լոր վանքերն ու եկեղեցիները՝ ա-
ռաջնորդներով, վարդապետներով,
քահանաներով եւ իշխաններով, ժո-
ղովրդով եւ նրանց բոլոր հավա-
տացյալներով հանդերձ, շինութեան,
բարեկարգութեան եւ խաղաղու-
թեան համար՝ զերծ եւ անաղարտ
բոլոր օտար եւ թշուր աղանդներից:
Քո ամենահաղթ զորութիւնն սուրբ
Խաչի անպարտելի նշանը, երկնա-
յին զինվորութիւնների բանակները
եւ Քո բոլոր սրբերի դասերը մեր ե-
կեղեցիների եւ նրա հավատացյալ-

ների վրա ողջ գիշեր եւ ողջ ցերեկ պահապան կարգի՛ր եւ փրկի՛ր բոլոր Հոգեւոր եւ մարմնավոր թշնամիներից եւ փորձություններից, որպեսզի նրանց մեջ Քո անունը Հավիտյան փառավորվի:

Տ Էր Աստված մեր, մեր Հոգեւոր Հովիվներին եւ առաջնորդներին քոյաշունչ իմաստությունը եւ քոյապատվեր Հեզությունն ու խոնարհությունը տո՛ւր, որպեսզի կամքիդ Համաձայն Քո Հոտը Հովվելով, Հովվապետիդ երեւալու ժամանակ Համարձակությամբ կարողանան ասել՝ ահա ես եւ իմ Հավատացյալները, եւ Քեզանից փառքի պսակը ընդունել: Նրանց զորությամբ եւ արիությամբ սպառազինի՛ր, որպեսզի կարողանան դիմակայել ոչխարամորթ գայլերին եւ մեր եկեղեցիների ու

Հավատքի ապականիչներին: Մեր քահանաներին զգաստութիուն եւ մաքրութիուն տո՛ւր, որպէսզի կարողանան արժանապէս ծառայել Քո սուրբ խորհրդին եւ լինել Համարձակ միջնորդ Աստծուդ եւ ժողովրդի՝ նրանց աղոթքը մատուցելու Քեզ եւ Քո ողորմութիւնն իջեցնելու նրանց մոտ, որոնք էլ Քո կամքի Համաձայն շահելով Քո տված մնասը՝ Քեզանից բազմապատիկն առնեն: Տէ՛ր, սարկավագներին, դպիրներին, մեր եկեղեցիների ողջ Հավատացյալներին պարկեշտութիւն եւ ուսման սեր պարգեւի՛ր, որպէսզի յուրաքանչյուրը, ինչ կոչման կանչված է, նրանում անարատ մնա, արժանապէս ծառայի Քո Սուրբ Եկեղեցուն եւ Քո կողմից կոչվի բարի, ազնիվ եւ Հավատարիմ ծառա: Տէ՛ր, Քո փառքի եւ Հաճոյքի Համար ընդունի՛ր աշխատավոր-

ների արդյունքը եւ Քո Սուրբ Եկեղեցուն տրվող նվերները, եւ նրանց փոխարենը ըստ Հոգու եւ ըստ մարմնի բազմապատիկը տո՛ւր եւ արժանի՛ արա այն երանությանը, որ ողորմածներն են ժառանգում:

Տէր, մեր ժողովրդի իշխաններին եւ գլխավորներին Քո Հանդէպ բարեպաշտություն եւ սերտ Հավատ, միմյանց Հանդէպ՝ սեր եւ միաբանություն, աղքատների ու փորձանքի մեջ եղողների Հանդէպ՝ գութ եւ խնամամածություն տո՛ւր: Քաղցր եւ սիրելի դարձրո՛ւ նրանց բոլոր իշխողների եւ բռնավորների աչքում, որպէսզի Քո Եկեղեցուն պարծանք եւ ուրախություն լինեն, Հասարակությանը՝ ձեռնտու եւ մխիթարություն, Հաճելի ծառաներ Քեզ եւ Քեզնից Քո բոլոր սրբերի Հետ վարձ ստանան:

Տէր, Հիշի՛ր մեր ամբողջ ազգին՝
 Քո փոքրիկ Հոտին, ամենքին, ուր էլ
 որ լինեն՝ մեծերին եւ փոքրերին,
 տղամարդկանց եւ կանանց. եւ Քո
 մեծ ողորմածութեամբ այցելի՛ր բո-
 լորին: Թո՛ղ բոլորը սիրով եւ խա-
 ղաղովութեամբ, լուսավորչականդ Հա-
 վատով եւ առաքինի գործով, ապա-
 Հով կյանքով եւ բարվոք կենցաղա-
 վարութեամբ ապրեն: Բոլորին
 ձեռնառու եւ օգնական եղի՛ր ամեն
 ժամանակ՝ ննջելիս եւ
 արթնանալիս, տանը եւ ճանապար-
 Հին, ծովում եւ ցամաքում, առնելիս
 եւ տալիս, աշխատելիս եւ վաստա-
 կելիս, եւ նրանց բոլոր օգտակար եւ
 անմեղածին գործերը Հաջողի՛ր ու
 բարի ավարտի Հասցրո՛ւ:

Այլեւ Հիվանդներին եւ ցավա-
 գարներին առողջացրո՛ւ,
 տրտմյալներին եւ վշտացածներին

սփոփի՛ր եւ ուրախացրո՛ւ: Բան-
տարկյալներին եւ գերյալներին ա-
զատի՛ր: Տկարներին փրկի՛ր: Կա-
րիքավորների հոգեւոր եւ մարմնա-
վոր կարիքները բավարարի՛ր: Բոլոր
անճարներին եւ անօգնականներին
օգնութեան հասի՛ր եւ այցելի՛ր:
Մեղքի մեջ անդարձներին եւ հա-
մառներին դարձրո՛ւ իրենց չար ճա-
նապարհներից եւ Քո մեծ ողորմու-
թեամբ բոլորին ողորմի՛ր եւ խաղա-
ղութեան մեջ պահի՛ր, որպէսզի բոլո-
րին ողորմելով՝ միշտ բոլորից փա-
ռավորվես: Այլեւ խնդրում եմ Քե-
զանից, Տէ՛ր եւ Աստված իմ, որպէս-
զի ամբողջ աշխարհին խաղաղու-
թյուն տաս, թագավորներին՝ հաշ-
տություն, ենթականերին՝ սեր եւ
հնազանդություն, քաղաքներին,
գավառներին եւ գյուղերին՝ շէնու-
թյուն եւ ապահովություն, այգինե-
րին եւ անդաստաններին՝ պտղաբե-

րուխյուն, եւ բոլոր բարիքներին՝
լիութիւնն եւ առատութիւնն: Այլեւ
Քո ողորմածութեամբ ամբողջ աշ-
խարհից եւ ազգերից եւ մանավանդ
Հայոց երկրից եւ ազգից ողջ ցասումն
ու զանազան ձախորդութիւնները՝
հիվանդութիւններն ու պես-պես
ցավերը, սովը, սուրը, մահտարա-
ժամը եւ մյուս բոլոր վշտաբեր ու
վնասաբեր պատահարները, որոնք
Քո ամենազոր Հրամանով
շարժվելով մեր մեղքերի Համար գա-
լիս են մեզ վրա, վերացրո՛ւ, որպես-
զի ամեն ինչում եւ ամենքի մեջ Քո
անունը փառավորվի Հավիտյանս
Հավիտենից. Ամեն:



Աղոթք՝ ուղղված ամենասուրբ Մարիամ Աստվածածնին

Գլուխ Թ

Մեր Աստծո եւ քո Միածին Որդուն՝ Հիսուս Քրիստոսի ողորմութեան դուռը վշտագնայալ անձամբ այսքան բախելուց հետո այժմ լալագին դեմքով քեզ եմ դիմում, քո մաքուր ոտքերին փարվում եւ մայրական ողորմութեանդ դուռը բախում, ո՛վ ամենօրհնայալ Սուրբ Աստվածածին Մարիամ: Ինչ որ քո Որդուց խնդրեցի, խնդրում եմ նաեւ քեզանից: Ինչ որ հուսացի Նրանից ստանալ, հույս ունեմ նաեւ քեզնից ընդունել, քանզի դու հարս եղար ա-

մենակալ Հայր Աստծո, Ով
 ամենակարող եւ ամենաբազմ է:
 Մայր եղար Աստծո Որդուն, Ով ամեն
 ինչում ողորմած է եւ մարդա-
 սեր: Բնակարան եղար Աստծո Հո-
 գու, Ով ամեն ինչով Հարուստ է եւ
 առատ: Միանգամայն շտեմարան
 եւ գանձարան եղար Ամենասուրբ
 Երրորդութեանը, Ով ամենայն բա-
 րութեան աղբյուր է եւ երկնավորնե-
 րի ու երկրավորների լցուցիչ: Արդ,
 ո՞վ Սուրբ Մարիամ Աստվածածին,
 Հայր Աստված այնքան սիրեց քեզ,
 որ մինչեւ անգամ Իր Միածին Որ-
 դուն, որով արարել է բոլոր արա-
 րածներին, քեզ շնորհեց եւ քո Որդին
 դարձրեց, ու ի՞նչ պիտի ինայի
 քեզանից: Որդին Աստված այնքան
 սիրեց քեզ, որ մինչեւ անգամ բնակ-
 վեց քո արգանդում եւ բազմեց քո
 գրկում, եւ Նա, Ով բոլորի կերակ-
 րիչն էր՝ կերակրվեց քո ստինքնե-

րից: Նա, Ով քո Աստվածը եւ Տերն էր, եղավ քո Որդին եւ քեզ Մայր կոչեց, եւ ի՞նչ պիտի խնդրես Նրանից, որ խնայի քեզանից: Հոգին Աստված, որ այնքան սիրեց քեզ եւ անգամ Իր էակցին քե՛զ վստահեց, եւ Ինքը, որ ամեն ինչի զարդարիչն է, իջավ քեզ վրա եւ Իր անսպառելի շնորհների օթարան դարձրեց քեզ: Եւ ի՞նչ է քեզ պակասում, որ դու չունես: Քանի որ ճշմարտապես Հավատում եմ, որ ըստ Հրեշտակի խոսքի, Տերը եւ ամեն ինչի շնորհատուն քեզ հետ է, քո Որդին է եւ քո գրկում է: Ինչ որ քո Որդին ունի՝ քոնն է, եւ ինչ որ խնդրես Նրանից՝ չի խնայի: Դու ում կամենաս, կարող ես տալ, ինչպես քո որդին է ասում Սողոմոնի բերանով, թե. «Խնդրի՛ր, մայր իմ, որովհետեւ ինչ էլ որ խնդրես, չեմ դարձնի իմ երեսը»: Ուրեմն, ո՛վ Սուրբ Մարիամ Աստվածածին, ա-

րարածները Աստուծոց Հետո քեզնի՛ց են ակնկալիք սպասում: Դու ես տրտմածների ուրախությունը, փորձանքի մեջ եղողների փրկիչը, Հավատացյալների օգնականն ու մխիթարությունը եւ մեղավորների հոյսն ու ապավենը: Այս մտքով էլ քո սիրելի Որդին խաչի վրա քեզ կտակեց Իր Հավատացյալներին՝ Հովհաննեսի միջոցով, ասելով, թե. «Ո՛վ դու կին, ահա՛ քո որդին», եւ իմ Հավատացյալները քոնն են եւ այսուհետեւ քեզ են հանձնվում: Հովհաննեսի անունով մեզ՝ Հավատացյալներին, նույնպես ասաց, թե. «Ահա ձեր մայրը», ինչ որ ցանկանաք՝ այսուհետեւ նրանից խնդրեցեք: Արդ, ո՛վ ողորմության Մայր՝ Սո՛ւրբ Մարիամ Աստվածածին, եւ ես մեկն եմ քո սիրելի Որդուն Հավատացողներից, որ հոգով եւ մարմնով ողորմելի եւ ամեն ինչում թերի

լինելով կարոտ եմ քո մայրական
գթութեանը, նեղված եւ վշտացած
Հոգեւոր եւ մարմնավոր թշնամիներից՝
կարոտ եմ քո օգնութեանը:
Մեղավոր եւ ամեն ինչում Հանցա-
վոր՝ կարոտ եմ քո ձեռնտփութեանն
ու Հուսատրութեանը, որի Համար,
ո՛վ Սուրբ Աստվածածին, ընկնում
եմ քո առաջ եւ աղաչում քեզ՝ ուրա-
խացրո՛ւ քո տառապյալ ծառային եւ
մխիթարի՛ր: Քո աննվազելի շնորհ-
ներով լցրո՛ւ իմ Հոգու եւ մարմնի
դատարկութիւնը: Քո չտկարացող
զորութեամբ փրկի՛ր ինձ Հոգեւոր եւ
մարմնավոր թշնամիներից ու բոլոր
փորձութիւններից: Քո սուրբ եւ ա-
նարատ կուսութեամբ սրբի՛ր եւ
մաքրի՛ր ինձ իմ բոլոր մեղքերից, եւ
մեղավոր ծառայիս Համար միջնորդ
ու բարեխոս եղի՛ր առ Միածին քո
Որդին, որպէսզի ընդունի իմ աղա-
չանքները, որ մատուցեցի Նրան, եւ

կատարի իմ խնդրանքները: Ների սխալներս եւ թողություն շնորհի իմ բոլոր մեղքերին, վերստին ինձ ընդունի Իր սիրո եւ խնամքի մեջ, եւ որքան կենդանի եմ, Իր կամքին Համաձայն պահի, եւ այս կյանքից Հետո արժանացնի Իր օրհնյալ տեսությանը: Որովհետեւ անկեղծ Հավատում եմ, ո՛վ Մայր ողորմության, որ եթե մի անգամ քո սիրելի Որդուն ինձ Համար դիմես, լիովին ուրախություն է եւ ամեն ինչում ապահովություն: Եթե մի անգամ մաքուր ստինքներդ ցույց տաս Նրան, կատարյալ փրկություն է ինձ եւ ամեն ինչում ազատություն: Եվ եթե քո սուրբ արտասուքներից մեկ շիթով (որ Հեղեցիր նրա խաչելության ժամանակ) հիշեցնես Նրան, իմ բոլոր մեղքերին թողություն է եւ բոլորովին կյանք Հավիտենական: Այն բաները, որոնք քեզ՝ ողորմության առատագույթ

Մորդ ամեն ինչում դյուրին եւ կարելի են, ինձ քո ողորմելի ծառային, ամեն ինչում պիտանի են եւ Հարկավոր: Եվ ես քեզնից ողորմութիւն գտնելով կփառավորեմ քո Միածին Որդուն՝ Հոր եւ Սուրբ Հոգու Հետ եւ ողորմութեան Մորդ գոհութեամբ կբարեբանեմ Հավիտյանս Հավիտենից. Ամեն:



Աղոթք եւ Հառաչանք՝
ուղղված Աստծո սրբերին
եւ Հայոց ազգի Հատուկ
լուսավորիչներին եւ ե-
րախտավորներին

Գլուխ Ժ

Իմ մեղավոր անձի եւ խեղճ
ազգիս Համար ամենագթած
եւ ողորմած Աստծուն մատուցած
այսքան Հառաչանքներից, աղոթ-
քներից ու պաղատանքներից Հետո
այժմ մեծակական ողբով եւ լալա-
գին աչքերով ձեզ եմ դիմում եւ ձեր
սիրո ու գթության դռներն եմ բա-
խում, ո՛վ դուք՝ Աստծո երջանիկ
սրբեր եւ մեր Հատուկ բարեկամներ,
ո՛վ դուք՝ Քրիստոսի սիրելիներ եւ

մեր ճշմարիտ բարերարներ, ո՛վ
դուք՝ Սստծո Հաճելի ծառաներ եւ
մեր սրտացավ տերեր, Քրիստոսի
Համարձակ եւ Հավատարիմ խորհր-
դակիցներ, բազմերախտ Հայրեր ու
գթառատ ծնողներ, ո՛վ մեր ազգի
Հարազատներ, նախածանոթներ,
դաստիարակներ եւ լուսավորիչներ:
Ձեզ են ուղղված Հառաչանքներս,
Քրիստոսի սրբազան առաքյալներ՝
սուրբ Բարդուղիմէոս եւ Թադէոս,
սուրբ Գրիգոր Լուսավորիչ, մեր
Սուրբ Լուսավորչի սուրբ եւ սրբա-
ծին Որդիներ, Թոռներ եւ շառա-
վիղներ՝ Արիստակես, Վրթանես,
Հուսիկ, Գրիգորիս եւ Դանիել,
սուրբ Ներսես, Իսահակ, Մեսրոպ եւ
Հակոբ Հայրապետներ, Քրիստոսի
սուրբ եւ անարատ Հարսներ՝
Հռիփսիմյանք եւ Գայանյանք: Մեր
սուրբ Թագավորներ՝ Աբգար եւ Տր-
դատ, սուրբ Ռսկյանք, Սուքիասյանք

եւ Վարդանանք: Դուք մեր երկրից
եւ ազգից էք եւ մեր երկրում՝ նաՀա-
տակվեցիք, որովհետեւ դուք՝ որպէս
Մովսէս եւ Հեսու, մեզ ազատեցիք
անմարմին փարավոնից եւ նրա ե-
գիպտական գործերից: Դո՛ւք բե-
րեցիք մեզ ի վերուստ տրված աստ-
վածային կտակարանների պատ-
գամները: Դո՛ւք լուսավորեցիք մեզ
Հավատով եւ աստվածպաշտու-
թյամբ: Դո՛ւք մեզ աստվածածանոթ
դարձրեցիք եւ բացեցիք մեր բերան-
ները՝ աղոթելու առ Աստված: Դո՛ւք
մեր ազգի փրկութեան Համար այն-
քան սարսուելի չարչարանքներ կրե-
ցիք եւ հեղեցիք ձեր պատվական ու
սուրբ արյունը, եւ Աստծուն արժանի
պատարագ ընծայեցիք ու Նրան մեզ
հետ Հաշտեցրեցիք: Դո՛ւք ձեր վար-
դագույն արյամբ ներկեցիք մեր
երկրի հողն ու քարերը, եւ դրանք
տվեցիք մեզ՝ մեր հոգիների եւ մար-

մինների բժշկութեան Համար: Մեր երկրում ամփոփված են ձեր Հրաշագործ եւ կենդանի նշխարներն ու մարմինները, որոնց վրա ձեր անունով կառուցվեցին Հրաշալի եւ աստվածազարդ տաճարներ ու եկեղեցիներ, որոնցից տեսակ-տեսակ շնորհներ եւ զորութիւններ էին ելնում եւ դեռ ելնում են: Հավատով դրանց դիմողները Հոգու եւ մարմնի պես-պես բժշկութիւններ ու շնորհներ են ստացել եւ ստանում են: Սրանք Աստված Հայոց ազգին տվեց իբրեւ Հատուկ պարծանք եւ ապավինութեան վայր: Արդ, ո՛վ մեր բազմերախտ Հայրեր եւ մեր Հոգիների ու մարմինների լուսավորիչներ, զարթնէ՛ք եւ տեսնէ՛ք ձեր անունով կառուցված վանքերի ու եկեղեցիների խեղճութիւնը: Նայէ՛ք տարբեր թշնամիների կողմից նրանց կրած տառապանքներին: Նրանց մեծ մա-

սը ամայացել եւ անշքացել է: Նրանց վրա կառուցված ձեր բազմահրաշ դամբարաններն անպատվվել ու անարգվել են, իսկ մեր ազգն էլ՝ ամեն տեղից անտեր ու անօգնական, մատնվել խստասիրտ տերերի ձեռքը:

Արդ, էլ ո՛ւմ պիտի դիմենք, ո՛ւմ պիտի պատմենք մեր վիշտն ու տառապանքը եւ կամ մեզ համար ո՛ւմ պիտի ուղարկենք Աստծո մոտ՝ որպէս միջնորդ եւ բարեխոս, եթէ ոչ ձեզ՝ մեր հատուկ բարեկամներին ու ծանոթներին, Աստծո հաճելի ծառաներին եւ սիրելիներին: Քանի որ մինչ Աստված բարկանում էր Հին Ժողովրդի վրա, նրանք Աբրահամին, Մովսէսին, Դավիթին եւ իրենց մյուս նախնիներին էին հիշում եւ որպէս միջնորդ ուղարկում Աստծո մոտ, ինչպէս Հայտնի է երեք մանուկ-

ների եւ շատ ուրիշների դէպքում, ու Աստված էլ նրանց նախնիների սիրո եւ միջնորդութեան համար բարկութիւնից դառնում եւ ներում էր ժողովրդին, ինչպէս Դավիթն է վկայում, թէ «Աստված ասաց՝ նրանց կոչնչացնէի, եթէ ընտրյալ Մովսէսն իմ առաջ չլինէր», որովհետեւ Մովսէսը Տիրոջ մոտ գնաց եւ ցրեց Նրա բարկութիւնը՝ ասելով. «Եթէ պիտի թողնես Քո ժողովրդի մեղքերը, թո՛ղ, ապա թէ ոչ՝ ինձ էլ ջնջի՛ր Քո Կյանքի Գրքից»: Եւ Աստված Ինքն է բազմիցս ասում ժողովրդին, թէ «Իմ սիրելի Աբրահամի եւ Մովսէս ու Դավիթ իմ ծառաների համար ձեզ ողորմեցի»: Արդ, ո՛վ մերազգի Աստծո սրբեր, դո՛ւք էլ Աբրահամ, Մովսէս եւ Դավիթ էք, որովհետեւ Աստված այս փոքր հոտի վրա ձե՛զ իշխան, առաջնորդ, վերակացու եւ հովիվ կարգեց, ուստի դո՛ւք էք պար-

տավոր Հոգալ, միջնորդել եւ աղոթել մեզ Համար առ Աստված, ինչպես նրանք էին անում իրենց ժողովրդի Համար: Ով երանելիներ, քանի որ դուք այս կյանքում մեզ Համար այնքան տքնեցիք՝ քարոզելով, պահեցողությամբ, աղոթելով, պեսպես նեղություններ եւ զանազան շարժարանքներ կրելով, մինչեւ անգամ՝ ձեր արյունը հեղելով: Աժմ դուք, ազատված աշխարհի տառապանքներից, փառավորված էք երկնքում եւ Աստծո մոտ Համարձակություն ունեք, ուստի առավել եւս պարտավոր էք Հոգալ մեր մասին, օգնել եւ միջնորդ ու բարեխոս լինել առ Աստված եւ Նրա սերն ու քաղցրությունը շարժել մեր Հանդեպ: Ուրեմն, ձեր ոտքերի առջեւ եմ նետում իմ թախծյալ անձը, անարժան բերանովս Համբուրում ձեր սուրբ եւ ՀնորՀատու նշխարները, լիզում ձեր

Հրաշագործ եւ խնդրակատար դամբարանների Հողը եւ արտասովածոր աչքերով Հայցում ձեզանից, ո՛վ Քրիստոսի սիրելիներ եւ մեր Հատուկ ծանոթներ ու բարեկամներ: Ո՛վ մեր բազմերախտ Հայրեր եւ գթաշատ ծնողներ, աղաչում եմ ձեզ, նայեցե՛ք մեր խեղճությանն ու տառապանքներին, մեր վանքերին ու եկեղեցիներին, ողորմեցե՛ք ու օգնեցե՛ք մեզ: Եթե մեր մեղքերի պատճառով չէք ինսայում մեզ, գոնե ինսայեցե՛ք ձեր պատվական նշխարների եւ սուրբ դամբարանների Համար, որոնք կոխտովում եւ ծաղրվում են թշնամիներից եւ անսուրբ մարդկանցից: Եթե մեր անօրինությունների պատճառով մեզ բարձիթողի էք արել, գոնե մեզ Համար կրած ձեր կսկծալի եւ սարսուելի չարչարանքները եւ մեզ Համար Հեղած ձեր պատվական արյունը մտաբերե՛ք, Հիշեցե՛ք եւ ողոր-

մեցե՛ք մեզ: Մանավանդ դո՛ւ, ո՛վ
մեր բազմերախտ Հայր, մեր գթա-
ուատ ծնող եւ մեր հոգիների ու մար-
մինների լուսավորիչ սո՛ւրբ Գրիգոր,
հիշի՛ր մեր փրկութեան համար քո
երկամյա անտանելի եւ անօրինակ
չարչարանքներն ու վիրապում թու-
նավոր եակների մեջ տաաներեքամյա
անըմբռնելի տառապանքներդ, ան-
հանգիստ տքնություններդ եւ ան-
դադար հսկումներդ: Քեզ մոտ ա՛ն ու
մեր սրբազան առաքյալներին եւ լու-
սավորիչներին, որոնցից նաեւ դու
շառավիղեցիր, Քրիստոսի սուրբ եւ
մաքուր օրհորդներին, ովքեր քեզ
հետ հանդիսակից եւ պսակակից ե-
ղան, իսկ մեզ՝ ավետաբեր եւ լուսա-
բերներ, քո սուրբ եւ բարեբողբոջ որ-
դիներին եւ թոռներին, ովքեր աստ-
վածատունկ որթից ընծյուղվելով՝ քո
բանավոր այգին մշակեցին եւ Սուրբ
Հոգու կենդանարար ջրով ոռոգե-

ցին: Քեզ մոտ ա՛ռ մեր սուրբ Թա-
գավորներին եւ սուրբ զորավարնե-
րին, ուրբեր քեզ Հետեւելով՝ քո կող-
մից քարոզված Հավատքի Համար
սպառազինվեցին Հոգեւոր ու մարմ-
նավոր Թշնամիների դեմ եւ քո Ժո-
ղովրդի Համար Հանդես ելան ու նա-
Հատակվեցին: Դուք, որ բոլորդ միա-
բանված մտնում էք Աստծո մոտ, ձեր
մշտանվեր եւ անդառնալի աղոթք-
ներով միջնորդ եւ բարեխոս եղէ՛ք
Նրա մոտ եւ խնդրեցէ՛ք, որպեսզի ո-
ղորմի եւ այցելի մեզ, վերանորոգի
մեր ազգի եւ եկեղեցիների Հսու-
թյունը, ցիրուցան եղած իր Հոտը
խնամքի իր գոգում եւ մեր սուրբ ե-
կեղեցիների ծոցում ժողովի: Ի՛նչքը
Հովվի եւ պաՀպանի մեզ բոլոր
Հոգեւոր եւ մարմնավոր Թշնամիներ
ից եւ վերակացու լինի իր ամենա-
զոր զորությամբ: Եվ մանավանդ
ինձ՝ ձեր ծառային, օգնական եղէ՛ք

Եւ փրկեցէ՛ք բոլոր փորձանքներից եւ
մանավանդ ներկա փորձանքներից:
Եվ Աստուծոց խնդրեցէ՛ք, որ իմ բազ-
մատեսակ մեղքերին թողություն
չսորհի եւ որքան կենդանի եմ, Իր
կամքին Հաճելի պահի: Եվ այստեղից
Հետո, ձեր միջնորդութեամբ, արժա-
նացնի Իր օրհնյալ տեսութեանը, որ-
պեսզի ես էլ ձեզ Հետ փառավորեմ՝
Հորը, Որդուն եւ Սուրբ Հոգուն, Հա-
վիտյանս Հավիտենից. Ամէն:

Աղոթք՝ ուղղված Աստծո բոլոր սրբերին

Գլուխ ԺԱ

**Ո՛վ Աստծո բոլոր սրբեր, Հա-
ճելի ծառաներ եւ Նրա կամ-
քի Հարազատ կատարողներ, անա-
րատ տաճարներ, մաքուր բնակա-
րաններ եւ Ամենասուրբ Երրորդու-
թյան բերկրալի անդորրություններ:
Մարմնով անմարմիններ եւ երկրի
վրա Հրեշտականամաններ, Ադամի
տոհմից ծնվածներ, սակայն երկն-
քում ապրողներ եւ Հրեշտակներին
դասակցվածներ: Երկրի վրա Հա-
լածվածներ, նեղվածներ եւ չարչար-
վածներ, իսկ երկնքում՝ փառավոր-
վածներ, պսակվածներ եւ Քրիստոսի
Հետ թագավորածներ: Հավա-**

տաքյալների պարծանք եւ հրեշտակների ուրախութիւնն, աշխարհի լուսավորիչներ եւ վերին գավառի զարդեր, երկրավորներիս Համար ապավեններ ու օգնականներ, երկնային զորքերին՝ զինակիցներ եւ պարակիցներ: Մեղավորների հոյս եւ ակնկալութիւնն ու առ Աստված Համարձակ բարեխոսներ: Սուրբ Հովհաննէս Մկրտիչ, Սուրբ Ստեփաննոս Նախավկա, սուրբ առաքյալներ եւ մարգարէներ, սուրբ Հայրապետներ ու վարդապետներ, սուրբ մարտիրոսներ եւ ճգնավորներ, սուրբ կոյսեր ու միանձնուհիներ եւ բոլոր հին ու նոր, Հայտնի ու անՀայտ սրբեր: Առ Քրիստոս ձեր սիրո եւ մեր Հանդեպ ունեցած ձեր սիրո ու ազգակցութեան, Հանուն Քրիստոսի անվան եւ մեր փրկութեան ձեր կրած սոսկալի շարշարանքների, ձեր Հեղած պատվական

արյան, եւ ձեր ունեցած ու ունալիք
երախտիքների եւ բարերարու-
թյունների՝ աղաչում եմ ձեզ, որդու-
մեցէ՛ք ձեր տառապյալ ծառայիս, եւ
տկարութեանս ժամանակ օգնու-
թյան հասէ՛ք, որովհետեւ դուք փոր-
ձառու էք եւ գիտէք իսկ, որ մեր
բնությունը սխալական է եւ դյուրա-
սայթաք, մեր մարմինը՝ դյուրա-
խաբ, մեղսասեր եւ հոգուն վնասա-
կար ամէն ինչ անհազ ցանկացող:
Այս աշխարհն ամէն ինչում որոգայ-
թավոր է եւ լի սոսկատեսիլ ու թու-
նավորված հրապույրներով: Ան
բազմատեսակ պատրանքներ, խա-
բեություններ ունի եւ ամէն տեսակ
փորձությունների տուն է, իսկ
դրդող եւ հորդորող թշնամին՝ միշտ
առընթեր: Արդ, ո՛վ երանելիներ եւ
փառավորվածներ, դուք այս ամէնը
տեսաք եւ փորձ ունեցաք, սակայն
Աստծո շնորհներով զորացած՝ բոլո-

րին ոտնակոխ արեցիք եւ քաջությամբ Հաղթեցիք ու նրանց որոգայթները փշրելով փրկվեցիք եւ ելաք երկինք ու Հավիտենական Հանգիստ առաք: Ուրեմն, դուք, որ փորձառու էք, կարող էք փորձության մեջ եղողներին օգնական լինել, որի Համար աղաչում եմ ձեզ, ո՛վ Աստծո սրբեր, օգնեցե՛ք ինձ փորձության մեջ եղող եւ մեղավոր ձեր ծառային, փրկեցե՛ք բոլոր որոգայթներից ու փորձություններից, Հոգեւոր եւ մարմնավոր թշնամիներից եւ պաշտպանեցե՛ք ինձ բոլոր մեղսառիթ պատահարներից եւ ընդհանրապես Հոգեվնաս ընթացքից: Բարեխոսեցե՛ք առ Աստված, որպեսզի ների իմ բոլոր սխալները, թողնի իմ բոլոր մեղքերը եւ, որքան մարմնի մեջ եմ, պահպանի Իր կամքի Համաձայն: Եվ այս կյանքից Հետո թող արժանացնի Իր քաղցր եւ

օրհնյալ տեսութեանը, որպեսզի ձեզ
հետ նաեւ էս փառավորեմ՝ Հորը,
Որդուն եւ Սուրբ Հոգուն հավի-
տյանս հավիտենից. Ամէն:

Աղոթք՝ ուղղված երկնային զինվորություններին

Գլուխ ԺԲ

Արդ, ձեզ է ուղղված աղաչանքս, ո՛վ երկնայիններ եւ անմարմիններ, Հրեղեններ եւ Հոգեղեններ, արփափայլներ եւ լուսատեսիլներ, մաքուր եւ անարատ մտքեր, Աստծուն սրբաբանող եւ Ամենասուրբ Երրորդության անդադար փառաբանող սրբեր, որ միշտ Նրա փառքի Աթոռի առջեւ եք եւ Նրա Հրամանի անվրիպելի սպասավորներն եք: Դուք աշխարհի վերակացուներ ու պաՀապաններ եք եւ մարդկանց Համար անդադար միջ-

նորդներ ու բարեխոսներ: Դուք
ունեք Աստուծոց գրված,
մեղավորների համար Նրան
ուղղված ձեզ հատուկ պաղատանք-
ներ, ասելով, թե՛ «Ողորմի՛ր, Դո՛ւ
ես ստեղծել, կորստյան մի՛ մատնիր
եւ Քո ձեռքի գործն անտես մի՛ ա-
րա»: Արդ, ո՛վ երջանիկներ եւ փա-
ռավորյալներ, Աթոռներ, Քերովբե-
ներ, Սերովբեներ, Տերություններ,
Չորություններ, Իշխանություններ,
Պետություններ, Հրեշտակապետեր
եւ Հրեշտակներ եւ Դո՛ւ՛ անարժան
ծառայիս պահապան եւ վերակացու
հրեշտակ: Այժմ, խոնարհյալ ան-
ձամբ եւ ամոթիսած դեմքով, աղա-
չում եմ ձեզ: Վերակացու եւ պահա-
պան եղե՛ք մեղավոր ծառայիս եւ
օգնեցե՛ք ինձ ամեն ժամ: Փրկեցե՛ք

ինձ Հոգեւոր եւ մարմնավոր թշնամիներից, բոլոր վտանգներից եւ փորձություններից, մանավանդ ներկա փորձություններից (եթե ունես): Ինչպես ձեր սովորությունն է, մեղավորիս աղոթքներն ու պաղատանքները մատուցէ՛ք առ Աստված եւ ինձ Համար Նրան բարեխոսեցէ՛ք՝ ասելով. «Ողորմի՛ր, Դու ես ստեղծել, կորստյան մի՛ մատնի՛ր», որպեսզի ձեր խնդրանքներով ների իմ սխալները, ջնջի Հանցանքներիս ձեռագիրը եւ ինձ գրի Այանքի Գրքում: Եվ այստեղից Հետո ձեր միջնորդութեամբ ինձ կանգնեցնի աջակողմյան դասում եւ կանչի դեպի Իր Հավիտենական արքայությունը, որպեսզի ձեզ Հետ փառավորեմ Հորը, Որդուն եւ Սուրբ Հո-

գուն Հավիտյանս Հավիտենից. Ա-
մեն:

Աղոթք՝ ուղղված Փրկչական Սուրբ Խաչին

Գլուխ ԺԳ

Մեծ երկյուղածությամբ, սարսափած անձամբ եւ ճշմարիտ Հավատով այժմ խոնարհված ծնրադրում եմ քեզ սուրբ եւ ամենազոր Խաչի եւ մեր Քրիստոս Աստծո անպարտելի նշանի եւ տառապյալ քո ծառայի Համար օգնություն Հայցում քեզանից, որ ունես բոլոր բարությունները եւ ամենաբավական ու ամենակարող ես, քանի որ դ՛ո՛ւ, դ՛վ փառաբանելի եւ ամենասուրբ Խաչ, աթոռն ես ամենահարուստ եւ ամենողորմ այն Թագավորի, որ երկնքում, լուսեղէն աթոռին բազմած, թեպետ միշտ

բաշխում էր եւ այժմ էլ առատապէս
բարիքներ էր բաշխում Իր բոլոր ա-
րարածներին ու ամենքին, ըստ ի-
րենց կարիքների, բավարարում,
սակայն փեսայութեան եւ Իր սրտի
ուրախութեան օրը, երբ բազմեց Քո
վրա, այնքան սիրեց, Հավանեց Քեզ
ու զվարճացավ, որ նույնիսկ ասաց,
Թե. «Հավիտյանս Հավիտենից այս է
իմ Հանգիստը, սրա վրա կքնակվեմ,
որովհետեւ սա ինձ Հաճելի եղավ»:
Եվ մեծ ուրախութեամբ չբավա-
րարվեց այն ընդհանուր բարիքնե-
րով, որ միշտ Իր արարածների վրա
էր Հեղում, այլ բացելով Իր մարմնի,
այսինքն՝ ձեռքերի, ոտքերի եւ կո-
ղերի աստվածային գանձարանի
դռները՝ յուրաքանչյուր ակունքից
տեսակ-տեսակ բարիքների եւ
չնորհների առատաճոս աղբյուր
բխեցրեց եւ տարածելով Իր ամենա-
ռատ ձեռքերը՝ Հեղեց եւ անչափա-

պես բաշխեց բոլորին: Մինչեւ իսկ
Իր կենդանարար մարմինն ու ա-
րյունը չխնայելով՝ մեզ տվեց ու-
տելու եւ ըմպելու համար՝ կանչելով
բոլորին, թե. «Եկե՛ք, կերե՛ք իմ հա-
ցից եւ խմե՛ք իմ գինին, որքան որ
բազմած եմ ողորմության եւ ուրա-
խության այս աթոռին անխնա
տալիս եմ»: Արդ, ո՛վ Հանգստյան
վայր եւ Աստծո ողորմության սիրելի
աթոռ: Եվ ես մեկն եմքո եւ քեզ մոտ
բազմած Թագավորի Հավատա-
ցյալներից եւ երկրպագողներից, որ
աղքատ եմ, քաղցած, ծարավ եւ կա-
րոտ ամեն ինչի, որի համար աղա-
չում եմքեզ, որ ինձ ողորմես եւ այդ-
քան անպատմելի բարիքներից (որոն-
ցով լիացան երկնավորներն ու երկրավորները)
մի մաս էլ ինձ՝ ողորմելիիս մատու-
ցես, որ բավական է իմ հոգու եւ
մարմնի բոլոր կարիքները
բավարարելու համար: Դո՛ւ անոթ,

տուսի եւ բժշկարան ես այն Բժշկա-
պետի, Ով Իր աստվածաՆրաշ
զորութեամբ մեր ամբողջ բնութիւնը
անմարմին օձի թույնից ստացած
մաճաբեր Հիվանդութիւններից եւ
զանազան ցավերից բժշկեց ու ա-
ռողջացրեց եւ Հավիտենական կեն-
դանութիւն շնորհեց: Բոլոր Հոգե-
կեցոյց եւ ամենագորեղ դեղորայք-
ները քեզ մոտ են ամփոփված եւ
ամբարված: Ահա եւ ես, որ Քո ծա-
ռաններից եւ Քո վրա բազմած
Բժշկապետի կողմից բժշկվածներից
մեկն եմ, վերստին վիրավորվել եմ
նույն Հին թշնամուց եւ այդ նույն
չարի թույնից ախտավորվել պես-
պես ցավերով ու Հիվանդութիւննե-
րով կարոտ եմ քո շնորհներին, որի
Համար աղաչում եմ քեզ, ով ամենա-
բավական բժիշկ, որպեսզի այդքան
ամենատարբեր բժշկարար Քո
շնորհներից մի շիթ ցողես ինձ վրա,

որ բավական է Հոգիս եւ մարմինս
բժշկելու եւ ինձ Հավիտենական
կենդանութիւն տալու Համար: Դ՞ո՞ւ
ես Հաղթութեան գավազանը եւ ան-
պարտելի զէնքը մեր ամենագոր
Փրկիչ Հիսուս Քրիստոսի, Ով
քեզանով պատուեց աշխարհի մեղ-
քերի ծովը, փարավոնացյալ թշնա-
մունն նետեց դժոխքի անդունդը, Իր
պատկերը նրա չար ծառայութիւն-
նից ազատեց եւ վերին Երուսաղեմ
Հանեց: Քեզանով ջախջախեց ա-
ներեւոյթ վիշապի եւ անմարմին
Գողիաթի գլուխը եւ իր ժողովրդին
նրա խրոխտանքներից եւ բռնու-
թիւններից ազատեց: Արդ, ինձ էլ, որ
մեկն եմ իմ ամենագոր Փրկչի
ծառանքներից եւ քո միջոցով Նրա
կողմից փրկվածներից, վերստին
նույն թշնամին իր ամենաչար
հարքներով գերեց եւ իր չար գոր-
ծերին ծառա դարձրեց ու միշտ

խրոխտալով ինձ վրա՝ ցանկանում է
ինձ Հավիտյանս ծառայեցնել եւ
դժոխքինը դարձնել: Որի Համար
աղաչում եմ քեզ, ո՛վ ամենազոր
Սուրբ Խաչ, խորտակի՛ր իմ թշնա-
մու բռնութիւնը եւ ազատի՛ր ինձ
նրա ծառայութիւնից: Քո Հովանու
ներքո պահելով ինձ բոլոր նրանց
Հետ, ովքեր պիտի փրկվեն, դեպի
երկինք՝ դեպի Հավիտենական ա-
զատութիւն եւ անտրտում ուրա-
խութիւն տա՛ր: Ո՛վ ամենացանկա-
լի եւ բոլորի Համար երկրպագելի
Սուրբ Խաչ, դու ես աստվածների
Աստծո, թագավորների Թագավորի
եւ բոլոր արարածների Արարչի եւ
Նախախնամողի կնիքը, նշանը,
դրոշմը, քանի որ քեզանով է Աստ-
ված կնքում եւ նշում յուրայիններին
եւ բաժանում օտարներից: Քեզա-
նով է ճանաչում յուրայիններին եւ
ճանաչվում նրանցից: Քեզանով

գրեց Ադամի եւ նրա սերունդների
ազատութեան գիրը: Քեզանով նոր
Իսրայելի սրտում Հաստատեց իր
նոր ուխտն ու օրէնքը: Քեզանով ու-
րոշեց ավերել դժոխքը եւ ազատել
Հոգիները: Քեզանով դատավճռեց
սատանայի եւ նրա բռնութեան կոր-
ծանումը: Քեզանով Հրամանագրեց
երկնավորների եւ երկրավորների
խաղաղությունը: Քեզանով դրոշ-
մելով՝ յուրայիներին ազատում եւ
պահպանում է Հանկարծամահ սա-
տակումից ու Հավիտենական մահից
եւ երկինք Հանում եւ գրում Այանքի
Գրքում: Եւ գալիք
Ժամանակներում քեզ որպէս
նախագնաց իր առջեւ բռնած Հոր
փառքով դատաստանի պիտի գա՝
բոլորին դատելու: Եւ քեզանով
պիտի կնքի ամենահաստատուն եւ
անսխալական այն վճիռը, թէ. «Ար-
դարները կգնան Հավիտենական

կյանք, իսկ մեղավորները՝ Հավիտե-
նական տանջանք»:

Արդ, ո՛վ ամենաբարեղի սե-
ղան էլ ողորմության աստու,
ո՛վ բազմատեսակ շնորհների օթա-
րան էլ բոլոր ցավերի բժշկարան,
ո՛վ ահարկու զենք էլ ամենազոր
գավազան, ո՛վ ամենապաշտելի
նշան էլ ամենաթագավոր Աստու
անլուծանելի կնիք էլ մեր Փրկիչ
Հիսուս Քրիստոսի Սուրբ Խաչ, այս
բոլորը էլ առավել քան այս բյուրա-
պատիկ պարգեւներն ու բարու-
թյունները, բժշկություններն ու
կենդանարարությունները, ազա-
տություններն ու փրկագործու-
թյունները, աստվածային տնօրի-
նություններն ու ներգործություն-
ները քեզանով էլ քո միջոցով բաշխ-
վեցին էլ բաշխվում են, գործվեցին
էլ գործվում են, կատարվեցին էլ

կատարվում են, որոնց գործիքը՝ միջնորդն ու շտեմարանը, դու ես, ո՛վ ամենասիրելի Խաչ մեր Քրիստոս Աստծո: Արդ եւ ես՝ ամենաթշվառս եւ ամենաողորմելիս, մեկն եմ քեզանով փրկված եւ բարիքներ ստացած եւ քեզանով դրոշմված եւ քեզ երկրպագող ծառաներից, որովհետեւ քեզանով վերածնվելով կենդանացա ու մեղքի Հնուվժյունից եւ մահաբեր ծառի մեռելուվժյունից նորոգվեցի: Քեզանով դրոշմվեցի եւ կոշվեցի լինել Քրիստոսինը եւ Հավիտենական կյանքի ժառանգորդը: Քեզանով դրոշմվելո՛վ բաժանվեցի օտարներից եւ Քրիստոսի՝ ճշմարիտ Հովվի, ոչխար եւ Հավատացյալ անդամագրվեցի: Քեզանով եմ կնքում եւ նշան Հանում իմ դեմքը եւ միշտ ամրափակում Հոգուս եւ մարմնիս բոլոր զգայարանները: Քեզանով եմ պարծենում միշտ եւ

ամեն ժամ Դու ես իմ Հոյսն ու օգ-
նականը: Եվ այժմ ընկնում եմ ամե-
նազոր սուրբ նշանիդ առաջ եւ խո-
նարհվելով երկրպագում, Հոգուս շր-
թունքներով համբուրում պատվան-
դանիդ Հողը եւ աղաչանքներով
խնդրում, որպեսզի սուրբ եւ ահեղ
անունդ ու սոսկալի կնիքդ անջնջելի
եւ անբաժանելի պահես քո ծառայի
Հոգուց եւ մարմնից եւ քո Հովանու
ներքո՝ պահպանես ինձ Հոգետոր եւ
մարմնավոր վտանգներից: Եր-
կրպագում եմ նաեւ քեզ Հետ քո սր-
բերին, Հրաշագործ գործակիցներին
աստվածակիր եւ կողամուխ սուրբ
Գեղարդին, սոսկալի սուրբ Բեւեռ-
ներին, աստվածաշոշափ փշե սուրբ
Պսակին եւ մեր Քրիստոս Աստծո
պատվական արյամբ ներկված
նշաններին եւ մեր Քրիստոս Աստծո
չարչարանքների Գործիքներին:
Դուք բոլորդ, որ շնորհների շտեմա-

րան էք, բարիքների աղբյուր, փրկության գործիք, ամենագոր նշաններ եւ թշնամու դեմ չտկարացող սրեր, ո՛վ շնորհատու եւ փրկագործ սուրբ նշաններ, ձեզ բոլորիդ խոնարհվելով մեծ երկյուղով եւ պատկառանքով երկրպագում եմ եւ աղաչում, ո՛վ շնորհատու եւ փրկագործ սուրբ նշաններ, ձեր ծառային միշտ օգնականներ, պահապաններ, հովանավորներ եւ վերակացուններ եղէ՛ք ցերեկը եւ գիշերը, ննջելիս եւ արթնանալիս, նստելիս եւ գնալիս, գործելիս եւ հանգստանալիս եւ ամեն ժամ, որպեսզի ձեր հովանավորությամբ ամրափակվելով եւ պարսպվելով պաշտպանված եւ փրկված լինեմ բոլոր մեղքերից, դեւերի փորձություններից, մարդկանց անիրավություններից, չարախոհ եւ զրախոս լեզուներից, մարդակերպ գազաններից, թունավոր

եւ վնասատու կենդանիներից,
երեւելի եւ աներեւոյթ թշնամիներից,
Հոգեւոր եւ մարմնավոր վտանգից եւ բոլոր տեսակի որոգայթներից եւ շարահասար պատահարներից:
Եվ երբ հիշեմ՝ ձեր սոսկալի անունները եւ խաչակնքեմ թող Հալածվէն եւ չքանան, կորչեն եւ անհետանան բոլոր հնարքները՝ երեւոյթները, ազդեցութիւնները, ծուղակները եւ շարի որոգայթները: Եվ որքան ու որ ժամին էլ վեր կենան Հոգով եւ մարմնով ինձ խաբելու եւ նենգելու, պարսպված եւ կնքված թող տեսնեն ձեր ամենասոսկալի անվամբ եւ ամոթահար ու գլխիկոր ետ դառնան:
Եվ որքան կենդանի եմ՝ ձեր սուրբ եւ հրաշալի անվամբ պաշտպանված եւ փրկված թող մնամ թշնամիների բոլոր որոգայթներից եւ բոլոր մեղսառիթ ընթացքներից, իսկ այստեղից հետո ձեզանով կնքված ներ-

կայանամ Քրիստոս իմ Աստծո ա-
ռաջ, դասվեմ աջակողմյանների
հետ ու լսեմ այն օրհնաբանյալ ձայ-
նը, թե՛ «Եկե՛ք, իմ Հոր օրհնվածներ
եւ ժառանգեցե՛ք Հավիտենական
կյանքը»: Այնժամ ես կփառավորեմ
իմ Քրիստոս Աստծուն՝ Հոր եւ
Սուրբ Հոգու հետ, եւ ձեզ՝ սուրբ եւ
փրկագործ նշաններ, գոհուիցյամբ
կփառաբանեմ Հավիտյանս Հավի-
տենից. Ամեն:



Հայաստանյայց Սուրբ
Եկեղեցու եւ իմ շարադ-
րողիս ճշմարիտ եւ ուղղա-
փառ դավանությունը եւ
վերջաբան աղոթք՝ ուղղ-
ված Սուրբ Երրորդությա-
նը

Գլուխ ԺԴ

Արդ, ո՛վ ամենօրհնյալ Սուրբ
Երրորդություն եւ մի Աստ-
վածություն, քանի որ Դո՛ւ եւ
սկիզբն ու ավարտը, առաջինն ու
վերջինը, ամեն ինչի ստեղծողն ու
ավարտին Հասցնողը, որի աղեր-
սանքների փոքրիկ եւ լուսնայաչափ
այս խոսքերը Քեզանով սկսելով՝

Քեզանով ավարտում եմ՝ սրանում խոստովանելով Քո Հանդեպ ունեցած իմ ճշմարիտ դավանությունն ու Հավատը: Ուրեմն, ճշմարիտ Հավատով խոստովանում եւ Հավատում եմ, աներկբա Հոյսով Հուսամ եւ անարատ սիրով սիրում եմ Քեզ, Սուրբ եւ անբաժանելի Երրորդությանդ՝ անսկիզբն եւ անվախճան, մի Աստված՝ անուր, աներբ, անժամանակ եւ Հավիտենական: Երկնավոր եւ երկրավոր բոլոր արարածներին ոչնչից միակ Ստեղծող: Բոլոր տերերի եւ Թագավորների միակ Տեր եւ Թագավոր: Ամբողջ աշխարհի միակ Նախահնամող եւ Կառավարիչ, բոլոր բարիքների եւ արարածների Չարդարիչ եւ Աղբյուր: Ողջերի եւ մահացածների միակ Դատավոր: Արդարների միակ պսակիչ եւ մեղավորների դատապարտիչ, ում միայն կարելի է

Ճնրադրել եւ երկրպագել Հավի-
տյանս Հավիտենից:

Հավատում եմՆույն եւ միակ
Աստվածութեանդ՝ բաժան-
ված երէք անձերի՝ առանձին դեմ-
քերով՝ Հոր, Որդու եւ Սուրբ Հո-
գու: Ոչ թէ երէք Աստված, այլ մի
Աստված, մի Էութիւն, մի բնու-
թիւն, մի կամք, մի տերութիւն եւ մի
իշխանութիւն: Ոչ թէ ձեզանից մե-
կը մեծ է եւ առաջ, եւ մեկը կրտսեր
ու Հետո, այլ որքան Հայրդ՝ Հայր է,
Քեզ Հետ եւ Որդիդ՝ Որդի է եւ
Սուրբ Հոգիդ՝ Հոգի. եակից, բնու-
թենակից եւ փառակից իրար:

Հավատում եմ Քեզ, Հայր՝
Աստված ճշմարիտ, անեղ,
անձին եւ անսկիզբ, անսկզբնաբար
եւ անժամանակորէն Որդուդ ծնող
եւ Սուրբ Հոգուդ բխող:

Հավատում եմ Քեզ, Միածին
Որդի՛ Աստված ճշմարիտ,
անեղապես եւ անսկզբնաբար
Հորից ծնված Հավիտյաններից
առաջ: Իսկ ժամանակի մեջ Հոր
կամքով եւ Սուրբ Հոգուդ Հավանու-
թյամբ՝ Քո սեփական անձով իջար
երկիր՝ Աստվածածին Սուրբ Կոյս
Մարիամի մեջ եւ նրա ամենամա-
քուր արյունից Քեզ Համար մարմին
վերցրեցիր եւ անճառապես միավոր-
եցիր Քո Աստվածութեան Հետ: Ա-
պա, Ի ու, որ ճշմարիտ եւ կատարյալ
Աստված էիր, Նույնդ եւ եղար ճշմա-
րիտ ու կատարյալ Մարդ՝ Հոգով,
մտքով եւ մարմնով: Մեկ անձ, մեկ
դեմք, մեկ կամք եւ մեկ բնություն՝
անշփոթաբար միավորված երկու՝
աստվածային եւ մարդկային
բնություններից: Ուստի եւ կոչվեցիր
մեկ Քրիստոս, այսինքն՝ Աստված

եւ Մարդ: Անարատ Կոյսի ար-
 գանդում իննամայա ժուժկալու-
 թյունից Հետո, անսերմ Հղացմամբ եւ
 անապական ծննդյամբ ծնվեցիր Քո
 առյալ մարմնով: Երեսուն տարի Հե-
 տո եկար Հորդանան գետը՝ Հով-
 Հաննեսից մկրտվելու: Հոր վկայու-
 թյամբ եւ Սուրբ Հոգու իջմամբ դա-
 վանվեցիր Ճշմարիտ Աստված եւ
 Աստծո Որդի:

Ապա Դու՝ մեր նույն Քրիս-
 տոս Աստվածդ, սկսեցիր
 տնօրինական խորհուրդդ
 իրականացնել. խոնարհաբար շրջե-
 ցիր երկրի վրա, փրկություն քարո-
 զեցիր, իբրեւ մարդ՝ մարմնով
 Հոգնեցիր, քաղցեցիր, ծարավեցիր,
 իսկ իբրեւ Աստված՝ մեծամեծ
 հրաշքներ գործեցիր: Հետո, մեր
 փրկության համար, կամավոր եկար
 չարչարվելու եւ Դո՛ւ, միշտ կենդա-

Նի եւ անչարչարելի Աստված Նույն ստեղծված մարմնովդ, չարչարվեցիր, խաչվեցիր, մեռար եւ թաղվեցիր, մարմնովդ դրվեցիր գերեզմանում, իսկ Հոգովդ դժոխք իջնելով ազատեցիր Հոգիներին: Երեք օր Հետո մեռելներից Հարուժյուն առար մարմնով եւ երեւացիր աշակերտներիդ: Քառասուն օր Հետո Նույն այդ մարմնով Համբարձվեցիր երկինք եւ նստեցիր Քո Հոր աջ կողմում, Ումից երբէք չբաժանվեցիր: Ի՛մ Քրիստոս Աստված, քանի որ թեպետ Կույսի արգանդում բնակվում էիր, ծնվում այրի մեջ, խոնարհաբար շրջում երկրի վրա, չարչարանքներ կրում, խաչին էիր բեւեռված եւ Քո վերցրած մարդկութեամբ ինչպես մեռյալ գերեզման էիր իջնում, սակայն Քո Աստվածութեամբ` Հորից եւ Սուրբ Հոգուց անբաժան, երկնքում բազմած էիր

քրովբեական ասթուին եւ երկրպագվում էիր բոլոր արարածներից, ինչպես եւ այժմ Աստվածութեամբ ու մարդկութեամբ երկրպագվում ես Հավիտյանս Հավիտենից: Ուստի, ինչպես Քո Աստվածութունն սկիզբ չունի, նույնպես եւ Քո մարդկութունը վախճան չունի, որովհետեւ Հիսուս Քրիստոս երեկ եւ այսօր նույնն է եւ Հավիտյան: Այլեւ Հավատում եմ, որ նույն մարմնով ժամանակների վերջում Հոր փառքով պիտի գաս կենդանիներին եւ մեռելներին դատելու, որ եւ ամբողջ մարդկութեան Հարութունն է: Եվ յուրաքանչյուրին ըստ գործերի պիտի Հատուցես՝ արդարներին՝ Հավիտենական կյանք, իսկ մեղավորներին՝ Հավիտենական տանջանք:

Հավատում եմ Քեզ, Սուրբ
 Հոգի, ճշմարիտ Աստված
 բխած Հորից անսկզբնապես եւ ան-
 ժամանակաբար: Իջնելով Հորդա-
 նան եւ վերնատուն՝ Հայտնեցիր Քո
 Էակցի՝ մեր Քրիստոս Աստծո
 Աստվածութիւնը, մխիթարեցիր ա-
 ռաքյալներին եւ լցրեցիր անճառելի
 շնորհներով: Խոսեցիր օրէնքների,
 մարգարէների եւ Ավետարանների
 մէջ: Եվ միշտ զանազան շնորհներով
 եւ Հեգեւոր պարգեւներով լցնում եւ
 զարդարում ես Քո Հավատացյալ-
 ների եկեղեցին:

Արդ, այս է իմ Հավատը՝ որով
 Հավատում, խոստովանում
 եւ երկրպագում եմ Քեզ Ամենա-
 սուրբ Երրորդութիւնն եւ մի Աստ-
 վածութիւնն՝ Հայր, Որդի եւ Սուրբ
 Հոգի եւ երեք անձերից մեկին՝
 մարդկային բնութիւն փրկութիւն

Համար ժամանակների լրումին
մարդացած Աստծո Որդուն:

Հավատում եմ նաեւ մեկ,
Սուրբ Կաթողիկէ եւ Առա-
քելական Եկեղեցուն՝ Հիմնված Քո
Քրիստոս՝ միակ Վեմիդ վրա: Որում
Հոր Հետ Հաշտության եւ աշխարհի
մեղքերը վերացնելու Համար պա-
տարագվում ես Դու՝ Աստծո Գառ:
Որում Հանուն Ամենասուրբ Երրոր-
դության մկրտվում եսք եւ ծնվում
Հավիտենական կյանքի որդեգրու-
թյան Համար: Որում Սուրբ Հոգուդ
ներգործությամբ կատարվում են
Քեզնից ավանդված սրբարար եւ
Հոգեկեցույց յոթ խորհուրդները: Ո-
րոնցից երեքը, այսինքն՝ Մկրտու-
թյունը, Դրոշմը եւ վերջին Օծումը,
ըստ Հայաստանյայց Սուրբ Եկեղե-
ցու ավանդության, վերստին
ծնունդ են խորհրդանշում, իսկ չոր-

սը, այսինքն՝ Ապաշխարութիւնը,
 Կարգը, Պսակը եւ Հաղորդութիւ-
 նը՝ ծնունդ են ամէն ժամանակ, ո-
 րոնցով սկզբնական եւ ներգործա-
 կան, մահացու եւ ներելի մեղքերից
 ազատվում եւ արդարանում ենք:
 Թշնամու դեմ զորանում եւ արիա-
 նում ենք, պաշտպանվում նրա որո-
 գայթեներից, լուսավորվում եւ կա-
 տարելագործվում, եւ հոգով միա-
 վորվում ենք միակ ու միշտ կենդանի
 գլուխ Քրիստոսի շուրջ: Եվ այս
 սուրբ եկեղեցում տոնում ենք երկ-
 նավոր եւ երկրավոր Քո բոլոր սրբե-
 րի եւ սիրելիների տոները:
 Հավատում ենք, որ ինչքան այս
 կյանքում ենք, եկեղեցում կարող ենք
 խոստովանութեամբ, ապաշխարու-
 թեամբ եւ բոլոր տոնելի սրբերի բա-
 րեխոսութեամբ մեղքերի թողութիւն
 ստանալ: Հավատում ենք եկեղեցու
 միջոցով մտնել վերին Սիոն՝ եր-

կնքում գրված անդրանիկների եկեղեցի: Այլև Հավատում եւ խոստովանում եմ Ամենասրբուհի Կոյս Մարիամ Աստվածածնին: Անսերմն Հղացողին եւ անարատ ծնողին, եւ ծննդից Հետո նույն անապական կուսուլթյամբ մնացածին, Ով այս Հավատով Քրիստոսին Հավատացողների Համար Համարձակ միջնորդ եւ բարեխոս է առ յուրածին Արդին:

Արդ, դավանական խոսքիս ավարտին աղաչում եմ Քեզ՝ Սուրբ Երրորդություն եւ մի Աստվածություն, եւ ինդրում Քեզանից, Ով ամենառատ ողորմություն, որպեսզի այս կյանքում Քո անարժան ծառային այս Հավատից անշեղ եւ Հաստատուն պաշէս եւ զգաստություն ու արիություն տաս, որպեսզի այս նույն Հավատքը կենդանի պաշէլու Համար

ձեռք բերեմ առաքինի եւ Քեզ Հաճե-
լի գործերը: Եվ սրանից Հետո թող-
նես ինձ այս նույն կենդանի Հավա-
տով գալ դեպի Քեզ եւ Քեզանից
ընդունել Քո Հավիտենական
կյանքը, եւ Քո բոլոր սրբերի Հետ
փառավորել Հորը, Արդուն եւ Սուրբ
Հոգուն Հավիտյանս Հավիտենից.
Ամեն:

Ես, որ ազգությամբ Հայ եմ,
Հավատով քրիստոնյա,
դավանությամբ եւ կրոնով՝ լուսա-
վորչական, այս ճշմարիտ Հավատքը
եւ ուղիղ դավանությունը (որ ո՛նեմ եւ
ո՛նենալու եմ կյանքում եւ մահվան ժամանակ)
ընդունեցի մեր բազմերախտ եւ Հո-
գեծին Հոր, Աստծո Հատուկ վկա եւ
Քրիստոսի տաննչորսերորդ առա-
քյալ Սուրբ Գրիգոր Լուսավորչի
միջոցով, որ մեզ լուսավորիչ ծագեց
Սրբազան առաքյալներից եւ մեր ա-

ուաջին լուսավորիչներ Թադեոսից
էւ Բարդուղիմէոսից, ովքեր երկուան
էին տասներկու Գլխավոր Առա-
քյալներից մեր Քրիստոս Աստծո,
Որին փառք Հավիտյանս Հավիտե-
նից. Ամէն:

Աղոթագրքի Հիշատակարան

Փ առք անլուելի գոհաբանությամբ եւ Հավիտենական երկրպագությամբ Ամենասուրբ Երրորդությանը եւ մի Աստվածությանը՝ Հորը, Որդուն եւ Սուրբ Հոգուն: Որի առատաձիր ողորմությամբ, ամենաբարի կամեցողությամբ եւ մեր գթաշատ Հայր սուրբ Գրիգոր Լուսավորչի միջնորդությամբ եւ օժանդակությամբ, Սուրբ եւ Աստվածակերտ Էջմիածին Աթոռում մեր՝ սրբազան Հայրապետիս Տեր Սիմեոն Հոգնիմաստ Ամենայն Հայոց Կաթողիկոսի կողմից Հաստատվեց այս նոր տպագրատունը, որտեղ տպագրությամբ լույս տեսավ Աղոթքների այս փոքրիկ Գիրքը՝ նույն Հայրապետիս կողմից նոր շարա-

Տյուսված՝ Հայոց ազգի Հոգեւոր մխիթարութեան եւ Հայաստանյայց Սուրբ Եկեղեցու պարծանքի Համար: Քանի որ վերոհիշյալ մեր սրբազան Վեհի Հայրապետութեան եւ Սուրբ Երուսաղեմի եւ Կոստանդնուպոլսի Հանճարունակ եւ խոհեմափայլ Տեր Պողոս եւ Տեր Գրիգոր վարդապետների պատրիարքութեան ժամանակ եւ մեր Հայոց ՌՄԺԷ (1217) թվականին երկու մեծ թագավորների միջեւ մեծ պատերազմ սկսվեց եւ տեւեց մինչեւ մեր ՌՄԻԱ (1221) թվականը, որի մեջ ենք հիմա, ուստի ամբողջ աշխարհի մեծ մասը վրդովվեց, բոլոր տեղերում մրրիկ տարածվեց, եւ խռովութեան ալիքը պաշարեց ամենքին: Այդ պատճառով շէն եւ անշէն վայրերում բազմացան գողերն ու ելուզակները, ապստամբներն ու կողոպտիչները, կտրվեցին երթեւեկութեան ճանապարհները,

խափանվեց վաճառականների
առեւտուրը, եւ Հասարակութեան
ստորին խավը եւ մանավանդ Հայոց
ազգը այնպիսի մեծ վտանգի եւ տա-
ռապանքի մեջ էր, որ մեր Հայրա-
պետը տեսնելով այս մորմոքում էր եւ
միշտ ցավում: Բայց այլ կերպ օգնու-
թյուն ուղարկելն անհնար էր, ուստի
իր ազգի օգնութեան եւ փրկութեան
Համար այս աղոթքի գիրքը լոյս ըն-
ծայեց՝ մտածելով Սուրբ Հակոբոս
Առաքյալի խոսքը, որ ասում է. «Եվ
Հավատով եղած աղոթքը կփրկի Հի-
վանդին, ու Տերը նրան ոտքի
կկանգնեցնի եւ նրան կների իր
մեղքերը»: Ուրեմն, դուք, որ պիտի
ընդունեք այս նորաբոյս ծաղիկը եւ
նոր Հասած այս պտուղը, նախապես
ներեք սրա տՀասութեան Համար, ո-
րովհետեւ տպելու ժամանակ որոշե-
ցինք վախճանին Հասած աշխատող-
ներին նախապես ավետաբեր լինել,

որովհետեւ սա իր պարագաներով
ամբողջովթյամբ նո՛ր է եւ անփորձ:
Սրա գործավարները նույնպես ան-
փորձ են եւ երբեք բոլորովին նման
աշխատանք չէին տեսել: Եվ ապա
ձեր աղոթքներում հիշե՛ք վերոհիշյալ
բարեմիտ եւ օգտաջան մեր Հայրա-
պետին՝ Հոգեւոր եւ մարմնավոր
ճնողներով եւ իրենց բոլոր ընտա-
նիքներով Հանդերձ, եւ ինդրեցե՛ք
Աստծուն, որպեսզի նրան երկար եւ
խաղաղ կյանք տա՝ առավել եւս
Սուրբ Աթոռի պայծառազարդու-
թյան եւ Հայոց ազգի մխիթարու-
թյան Համար, որովհետեւ որքան նա
նստել է Հայրապետական աթոռին,
թեպետ ալեկոծյալ ժամանակի բե-
րումով միշտ Հոգնակերպ վշտեր ու-
նի եւ Հոգսեր է կրում, սակայն չի
դադարում աթոռազարդ եւ ազգա-
շահ այսպիսի գործերից: Որից հետո
հիշե՛ք մեր Վեհի գործակալ եւ տե-

ղապաճ Մկրտիչ Հանճարաշատ ար-
քեպիսկոպոս Եռութեցուն, որ ա-
ռանց Հեղինակի եւ ուսուցանողի՝
աստվածատուր իր շնորհքներով, այ-
բուբենական մեր բոլոր գրերը՝ թե՛
բոլորատառ եւ թե՛ նոտրատառ, գլ-
խագրերով եւ իրենց բոլոր պարա-
գաններով Հանդերձ նոր ի նոր փո-
րագրեց պողպատի վրա, թափեց
պղնձի վրա (ձուլեց) եւ արճճից լոյս
ընծայեց այս գեղեցկատես գրերը,
որ տեննում էք: Ստեղծելով տարբեր
տեսակի գրեր եւ այս գործի անհրա-
ժեշտ մյուս պարագաները՝ նա
շարունակում է կատարելագործել:
Նաեւ հիշե՛ք մեր Վեհի Հոգեծին որ-
դուն՝ գեղարքունիքցի Իսահակ
շնորհաշատ վարդապետին, որ
տառերը, բառերը եւ խոսքերը շա-
րելիս եւ սրբագրելիս անձանձիր աշ-
խատում էր, եւ գրեթե սա՛ է կանո-
նավորել այս ամբողջ գործը: Հիշե-

ցէք եւ էջմիածնեցի տիրացու Հարությունին, որ քանդակեց պատկերները, ձագագրերը, կանոններն ու ծաղկանիշերը եւ հարթեցրեց եւ կանոնավորեց կաղապարների մեջ եւ տպեց տպելիները: Այլեւ միանգամայն հիշեցէք մեր Վէհի հարազատ որդիներին եւ շնորհասուն աշակերտներին՝ Հովսէփ վարդապետին եւ գրքի շարող Եփրեմ սարկավագին: Նաեւ՝ Մկրտիչ վարդապետին, Հովհաննէս աբեղային, Ներսէս սարկավագին, առաջննթաց Վարդանին եւ այլ պաշտոնյաներին, որոնք բոլորը, բացի իրենց հատուկ պաշտոնից, սիրահոժար իղձով պաշտոնատարներ եղան նաեւ այս գործին: Եվ մանավանդ ձեր աղոթքներում հիշեցէք հիշեցման արժանի ջուղայեցի եւ Հնդկաստանում բնակվող Չակիկէնց լուսահոգի Պարոն Միքայելի որդի, մեծահա-

վատ եւ բարեւեր Պարոն Գրիգոր
իշխանագունին, ի Քրիստոս Հան-
գուցյալ նրա ծնողներ Միքայելին եւ
Մամախաթունին եւ ի Տեր Հանգու-
ցյալ իր դեռահաս որդի Միքայելին
եւ նրա Հին ու նոր մյուս բոլոր ննջե-
ցյալներին, որովհետեւ այս բարե-
պաշտը, լսելով Սուրբ Աթոռում
տպագրատան Հաստատման մասին,
Հոժարովժյամբ Հանձն առավ ձրիա-
պես տալ սրա բոլոր ծախսերը, որ-
պեսզի Աթոռում Հաստատուն մնա
այս Տպագրատունը՝ իր եւ յուրա-
յինների Հավիտենական Հիշատակի
Համար: Մեր Սուրբ Գրիգոր Լուսա-
վորչի եւ իր բոլոր սրբերի աղոթքնե-
րով Տերը թող օրհնի եւ իր կամքով
ընդունի նրա Հիշատակը, որին Հի-
շողները կհիշվեն մեր Քրիստոս
Աստծո կողմից. Ամեն:

**Եկեղեցիներում Տեր
ողորմյայի Հետ ձայնով
երգելի աղոթք**

Արի՛ Աստուած Հարցըն մերոց,
Որ ապաւենդ ես նեղելոց,
Հա՛ս յօգնութիւն ծառայից քոց
Անօգնական ազգիս Հայոց.
Տեր ողորմեա՛, Տեր ողորմեա՛ :
Միջնորդութեամբ սրբոյ խաչիդ-
Եւ անարատ սուրբ ծնօղիդ-
Յիշեա՛ զհեղումն արեան Փրկչիդ,
Ե՛լի ինդիր փոքու Հօտիդ-
Տեր ողորմեա՛, Տեր ողորմեա՛ :
Չի գիտացաք մէք Հաւաստեալ
Որչափ մեղաց մերոց լրցալ,
Ուստի Տերդ մեր բարկացալ,
Առ ի խրատել զմեզ զարթեալ.
Տեր ողորմեա՛, Տեր ողորմեա՛ :
Արդ, անկանխմբ առաջի Քոյ,

Գոչեմք մեղայ Տեառնըդ մերոյ,
Դարձո՛ ի մէնջ զցասումն Քոյ,
Վասն անսպառ գթութեան Քոյ,
Տէր ողորմեա՛ , Տէր ողորմեա՛ :



Էջի դատարկ չմնալու Հա- մար

Եթե մեկը քեզ Հարցնի, թե սրա
գինն ի՞նչ է,

Կասես, թե սա անգին է, որ
կրկնակիորեն ճշմարիտ է:

Որովհետեւ որպես նյութ՝ ոչինչ
արժե, քանզի միայն վեցյակ թուղթ է:

Բայց քանի որ Հոգիդ անգին է,
սա քո Հոգու կեցուցիչն է:

Ապա Հիրավի անգին է, որ ան-
գինին առողջ է պահում:

Ով Հոգու գինը գիտի, նա՛ գիտի,
թե սա ինչ արժե:

Իսկ ով Հոգին չի ճանաչում, նրա
Համար նույնպես անգին է,

Որովհետեւ մեռելին երբեք չի
օգնի դեղը, ինչքան էլ զորեղ լինի:

ՎԵՐՋ